

太康縣志

道尹崔潤銘

署簽



太康縣志

卷十

人物傳<sub>下</sub>

唐

劉玄佐本名治滑州匡城人少倜儻不自業為縣捕盜犯法吏笞辱幾死乃亡命從永平軍稍為牙將大歷中李靈耀據汴州反玄佐乘其不備襲取宋州有詔以州遂隸其軍節度使李勉即表署刺史德宗建中初進兼御史中丞充宋毫穎節度使時李納叛李洧以徐州歸納急攻之詔玄佐援洧大破納兵斬首萬餘級東南饜漕乃通進圍濮州徇濮陽皆下再降其守將遂通濮陽津遷檢校兵部尚書兼曹濮觀察淄青兗鄆招討使汴滑都統副使李希烈反玄佐與李勉等聯兵屯淮汝數困賊常在奉天垂意關東乃詔檢校尚書左僕射同中書門下平章事希烈攻陳州玄佐救之希烈走遂進取汴州

太康縣志

卷十 人物傳下

一

詔加汴宋節度使陳州諸軍行營都統至是賜名玄佐以尊寵之人朝復兼涇源四鎮北廷兵馬副元帥檢校司徒性豪縱輕財好厚賞故下益困汴自李忠臣以來士卒驕不能自還至玄佐彌甚其後殺帥長大鈔劫狃於利而然也玄佐貴母尚在賢嬪人也常月織絕一端示不忘本數教敕玄佐盡臣節或傳寺中佛軀汗流玄佐自往大施金帛於是將吏商賈奔走輸金錢恐後十日玄佐敕止藉所入得巨萬因以贍軍其權譎類若此初李納遣使至汴玄佐得其陰謀故納最憚之卒年五十八贈太傅謚曰壯武

唐書潘鎮傳舊唐書卷

一百四十五  
以下二傳同

劉士寧玄佐子玄佐薨子墉及親兵擁士甯為留後士寧乃以財物分賜將士請之為帥德宗從竇參計授士寧起復金吾衛將軍同正汴州刺史宣武軍節度等使士寧初授節鉞諸將多不悅服性忍暴淫亂或彎弓挺刃手殺人于杯案間每出畋獵數日方還軍府苦之貞元十年為其大將李萬榮所逐廢處柳州

李萬榮與玄佐同里相善寬厚得士心玄佐引爲大將及土寧去其兵權萬榮伺隙逐之詔授萬榮宣武軍兵馬留後貞元十一年五月授宣武軍節度使八月萬榮病遂署其子迺爲司馬其大將李湛以軍士逐出李迺執送京師杖殺萬榮以其日卒

韓海陳州太康人爲人魁偉沈塞以武勇游仕許汴之間寡言自可不與人交衆推以爲長者官至游擊將軍贈太師娶鄉邑劉氏女生子弘是爲齊國太夫人夫人之兄曰司徒玄佐

韓昌黎集詐公韓弘神道碑

韓宏滑州匡城人少孤依其舅劉玄佐舉明經不中從外學騎射由諸曹試大理評事爲宋州南城將事劉全諒署都知兵馬便貞元十五年全諒死軍中思玄佐以宏才武共立爲留後請監軍表諸朝詔檢校工部尚書充宣武節度副大使知節度事先是曲環死吳少誠與全諒謀襲陳許使數輩仍在館宏始得帥欲以忠自表於衆即驅出少誠使斬之選卒三千會諸軍擊少誠敗之汴自劉士寧以來軍益驕及殺陸長源主帥勢輕不可制宏察軍中素

## 太康縣志

### 卷十 人物傳下

二

恣橫者劉諤等三百人一日數其罪斬之牙門流血丹道宏言笑自如自是訖宏去無一敢肆者李師古屯曹州以謀鄭滑或告師古治道矣兵且至請備之宏曰師來不除道也師古情得乃引去累授檢校司空同中書門下平章事宏以官與太原王諤等詒書宰相恥爲諤下憲宗方用兵淮西藉其重更授檢校司徒班諤上嚴綬以王師敗乃拜宏淮西諸軍行營都統使扞兩河而令李光顏烏重允擊賊宏不親屯遣子公武領兵三千屬光顏然陰爲逗撓計每諸將告捷輒紿曰不怡元濟平以功加兼侍中封許國公李師道誅宏大懼因請入朝册拜司徒中書令以足疾命中人掖拜固願留京師帝崩攝冢宰俄出爲河中節度使以病請還復拜司徒中書令卒年五十八贈太尉謚曰隱宏爲人莊重寡言罪殺人問法何如不自爲輕重沈謀勇斷故少誠師道等共憚之詔使至或驚侮不爲禮齊蔡平勢屈而後請覲然天子尊寵異等能以名位始終亦其天幸

韓公武字從偃弘子起家衛尉主簿署宣武行營兵馬使以討蔡功授檢校左

散騎常侍鄴坊等州節度使深懼盛滿乞能入爲右金吾將軍轉右驍衛大將軍性恭遜不以富貴自處先父暴卒贈戶部尚書謚曰恭子紹宗唐書本傳韓充本名璿宏弟也少亦依舅家李元爲河陽節度使署牙將元改昭義又從之元嘗謂賓佐曰充後當貴諸君必善事之未幾宏領宣武召主親兵元曰我知君舊矣吾兒不才無足累君者二女方幼以爲託遂辭去累授御史大夫宏峻法人人不自保充謹慎無少懈念宏在鎮久不入見天子身又得士不自安因請入宿韓宏許之不即遣後因獵單騎走洛陽朝廷亮其節擢右金吾衛將軍轉大將軍斥軍士虛名不如令者七百人歷少府監鄴坊等州節度使穆宗立幽鎮魏復亂王承元以冀兵二千屯滑州朝廷恐冀兵相誅爲叛徙承元鄴坊而授充檢校尚書左僕射爲義成軍節度使會汴軍逐李愿以李齊主留事帝謂充素爲汴士悅向詔節度宣武兼統義成討齊戰郭橋破之會李質斬齊遂入汴初陳許李光顏亦奉詔討齊屯尉氏意先得汴欲俘掠以餌軍而汴監軍姚文壽亦欲納光顏充聞其謀馳至城下汴人望

## 太康縣志

卷十 人物傳下

三

見充歡躍無復貳者始帝遣人問破賊期充對汴天下咽喉臣頗習其人然王師臨之一月可破方二旬即克帝喜曰充料敵如神加檢校司空籍齊所脅爲兵者三萬悉縱之又責首亂者千餘斥出境令曰敢後者斬由是內外安堵汴人愛賴之卒年五十五贈司徒謚曰肅充雖將家性儉節歷三鎮居處服玩如儒生乘幾決策無餘悔世推善將李元沒充爲嫁二女周其家盼遂按韓愈昌黎先生集卷三十二司徒兼侍中中書令贈太尉許國公韓弘神道碑銘首云韓姬姓其先有自潁川徙陽夏者其地於今爲陳之太康太康之韓其稱蓋久然自公始大著父海娶鄉邑劉氏司徒玄佐之女弟也考愈與弘父子同參淮蔡之役故於平淮西碑中盛推其功所言玄佐弘父子里貫自可信保若新舊唐書皆誤以爲滑州匡城人者亦自有故據樂史太平寰宇記卷二太康縣下云隋開皇十八年改爲匡城縣至大業十三年李密舉兵於此遂廢蓋匡城以李密發難而得名於鄉鄙勇武之間故玄佐弘等沿俗稱匡城以自駟修史者不審於此遂以隸之滑州而不知其非矣

附錄韓愈贈太尉許國公神道碑銘

韓姬姓以國氏其先有自潁川徙陽夏者其地於今爲陳之太康太康之韓其稱蓋久然自公始大著公諱弘公之父曰海爲人魁偉沈塞以武勇遊仕許汴之間寡言自可不與人交衆推以爲鉅人長者官至遊擊將軍贈太師娶鄉邑劉氏女生公是爲齊國太夫人太夫人之兄曰司徒元佐有功建中貞元之間爲宣武軍帥有汴宋毫潁四州之地兵士十萬人公少依舅氏讀書習騎射事親孝謹備。自將不縱爲子弟華靡邀故事出入敬恭軍中皆目之嘗一抵京師就明經試退曰此不足發名成業復去從舅氏學將兵數百人悉識其才鄙怯勇指付必堪其事司徒嘆奇之士卒屬心諸老將皆自以爲不及司徒卒以爲宋南城將比六七歲汴軍連亂不定貞元十五年劉逸淮死軍中皆曰此軍司徒所樹必擇其骨肉爲士卒所慕賴者付之今現在人莫如韓甥且其功最大而材又俊卽柄授之而請命天子天子以爲然遂自大理評事拜工部尚書代逸淮爲宣武軍節度使悉有其舅司徒之兵與地衆果大悅便之當此時陳許帥曲環死而吳少誠反自將圍許求援於逸淮使數。在館公。驅出斬之選卒三十人會諸軍擊少誠許下少誠失勢以走河南無事公曰自吾舅沒五亂於汴者吾苗。而髮櫛之幾盡然不一揃刈不足令震駭命劉鏐以其卒三百人待命於門數之以數與於亂自以爲功並斬以徇血流波道自是訖公之朝京師念有一年莫敢有讙嗽叫號於城郭者李師古詐言起事屯兵於曹以嚇滑帥且告假道公使謂曰汝能越吾界而爲

太康縣志

卷十 人物傳下

四

盜邪有以相待無爲空言滑帥告急公使謂曰吾在此公無恐或告曰。棘夷道兵且至矣請備之公曰兵來不除道也不爲應帥古詐窮變索遷延旋軍少誠以牛皮鞣材遺師古師古以鹽資少誠。過公界覺皆留輸之庫曰此於法不得以私相餽田宏正之開魏博李師道使來告曰我代與田氏約相保按今宏正非其族又首變兩河事亦公之所惡我將與成德合兵討之敢告公謂其使曰我不知利害知奉詔行事耳公若北過河我卽東兵以取曹師道懼不敢動宏正以濟向之誅吳元濟也命公統諸軍曰無自行以遏北寇公請使子公武以兵萬三千人會討蔡下歸財與糧以濟諸軍卒擒蔡姦於是公爲侍中而以公武爲。坊丹延節度使師道之誅公以東下進圍考城克之遂進迫曹曹寇乞降鄆部旣平公曰吾無事於此其朝京師天子曰大臣不可以暑行其秋之待公曰君爲仁臣爲恭可矣遂行旣至獻馬三千匹絹五十萬匹他綿紬綺纈又三萬金銀器千而汴之庫廩錢以貫數者尙餘百萬絹亦合百餘萬匹馬七千糧三百萬斛兵械多至不可數初公有汴承五亂之後掠賞之餘且斂且給恆無宿儲至是公私充塞至於露積不垣册拜司徒兼中書令進見上殿拜跪給扶贊元經體不治細微天子敬之元和十五年今天子卽位公爲冢宰又除河中節度使在鎮三年以疾乞歸復拜司徒中書令病不能朝以長慶二年十二月三日薨於永崇里第五十八天子爲之罷朝三日贈太尉賜布粟其葬物有司官給之京兆尹監護明年七月某日葬於萬年縣少陵原京城東南三十里楚國夫人翟氏附子男二人長曰肅元某官次曰公武某官肅元早死公

之將薨公武暴病先卒公哀傷之月餘遂薨無子以公武子孫紹宗爲□後汴之南則蔡北則鄆二寇患公居間爲已不利卑身佞辭求與公好薦女請婚使月日至既不可得則飛謀釣誘以□染我公先事候情壞其機才姦不得發王誅以成最功定次孰與高下公子公武與公一時俱授弓鉞處藩爲將疆土相望公武以母憂去鎮公母弟充自金吾代將渭北公以司中書令治蒲于時弟充自鄭滑節度平宣武之亂以司空居汴自唐以來莫與爲比公之爲治嚴不爲煩止除害本不多教條與人必信吏得其職賦入無所漏失人安樂之在所以富公與人有畛域不爲戲狎人得一笑語重於金帛之賜其罪殺人不發聲色問法何如不自爲輕重故無敢犯者其銘曰在貞元世汴兵五□將得其人衆乃一愒其人爲誰韓姓許公磔其鼻狼養以雨風桑穀奮張厥壤大豐貞元玄孫命正我□公爲臣宗處得地所河流兩壩盜連爲羣雄唱雌和首尾一身公居其間爲帝督姦察其嘖呻與其睨眄左顧失視右顧而踞蔡先鄆□三年而墟稿乾四呼終莫敢濡常山幽都孰陪孰扶天施不留其討不逋許公預焉其賈何如悠悠四方旣廣旣長無有外事朝廷之治許公來朝車馬干戈相平將乎威儀之多將則是已相則三公釋師十萬歸居廟堂上之宅憂公讓太宰養安蒲坂萬邦絕等有弟有子提兵守藩一時三侯人莫敢攀生莫與榮歿莫與令刻文此碑以鴻厥慶

宋

## 太康縣志

### 卷十 人物傳下

五

沈倫字順儀開封太康人少習三禮於嵩洛間講學自給漢乾祐中白文珂鎮陝往依之與宣徽使咎居潤善薦辟宋太祖同州幕府繼署滑許宋三鎮從事掌留後財貨以介聞太祖受禪召爲戶部郎中奉使吳越歸奏便宜屬揚泗間饑長史言郡中軍儲尚百餘萬皆陳腐儻以貸貧民至秋收新廩公私俱利朝議難之太祖以問倫對曰國家以至恩溥民自當感召和氣豈復慮意外邪上遽命發廩貸民建隆三年遷給事中明年爲陝西轉運使王師伐蜀改隨軍水陸轉運使諸將入成都競取玉帛子女倫獨寓僧舍潔躬糲食有獻珍異峻拒之東歸纔圖書數卷而已上知之擢爲戶部侍郎樞密副使親征太原領大內都部署權留司三司事開寶六年拜中書侍郎平章事集賢殿大學士兼提舉荊南劍南水陸發運事雩祀西洛以倫爲東京留守兼大內都部署俄召赴行在令預大禮太宗初加右僕射兼門下侍郎監修國史有事太原復留守判開封府事師還論功加左僕射五年監修太祖實錄成賜襲衣金帶六年加開府儀同三司以疾請告明年坐與盧多遜同列不

能覺蔡責降工部尚書落子繼宗職未幾致仕上念倫舊臣遽復繼宗官以慰其心薨年七十九贈侍中謚恭惠繼宗字世卿廕補西頭供奉官加朝散大夫知浚儀縣轉屯田郎中至道末領淮南轉運有疾以將作監致仕東封起歷太僕光祿二少卿判三司勾院卒年五十六女爲眞宗貴妃三子惟溫至秘書丞惟清內殿承制惟恭將作監簿

宋史二百六十四本傳

謝絳字希深其先陽夏人祖懿文爲鹽官令葬富春遂家焉父濤進士以文行稱直昭文館終太子賓客絳初以廕試校書郎登第知汝陰縣楊億薦其文召試擢秘閣夜理通判太常禮院母憂服除遷太常博士尋通判常州疏陳水旱仁宗納之擢國史編修祠部員外郎直集賢院父老乞便養通判河南雖居外猶數論事權開封府判官值蝗變上言吏不稱職語極剴切郭后廢陳白華之詩以諷徙三司度支判官兵部員外郎進聖治箴五篇父憂服除擢知判誥制流內銓吏部擬官舊視職由有無不問多寡以是不均絳爲覈其實以多寡爲差有名無實者皆不用人以爲便改判太常禮院知禮儀事

## 太康縣志

卷十 人物傳下

六

使契丹還調知鄧州引美陽堰水注鉗盧陂溉田三萬頃請修復召信臣六門堰未就而卒年四十六絳爲人修潔蘊藉所至大興學舍在河南修國子學諸生自遠至者數百人好施宗族家無餘貲有文集五十卷子景初景溫景平景回景平好學終秘書丞景溫登進士歷京西淮南轉運使

宋史本傳

謝師復 黃庭堅豫章黃先生文集卷二十六跋邢居實南居賦後云陽夏謝師復景回年未二十文章絕不類少年書生語余嘗序其遺 云方行萬里出門而車軸折可爲實涕今觀邢惇夫詩賦筆墨山立自爲一家甚似吾師復也

元

韓克昌唐節度使充之後以孝廉辟歷河南陝西二憲司椽尋進刑部臺省持正不撓擢刑部主事有兄弟五人爲盜法當死克昌曰弟從兄者也此不幾于族乎乃議宥最幼弟上可其言拜爲監察御史卒於官

韓元善字大雅克昌子由國子監生積分中程釋褐除新州判官累擢江南行

臺監察御史歷中書左司郎中吏部侍郎吏部尚書僉樞密院事至正三年拜中書參知政事五年遷大司農卿尋出爲江南行御史臺中丞燕南肅政廉訪使九年召拜中書左丞同知經筵事十一年丞相脫脫奏事內庭以事關兵機而元善及參知政事韓鏞皆漢人使退避勿與俱由是遂與右丞玉樞虎兒吐華同分省彰德以給餽餉十二年御史大夫也先帖木兒總兵討汝寧元善至衛輝以病卒元善性純正明達政體敷歷臺閣三十餘年遂躋丞轄以文學治才羽翼廟謨論議之際秉義陳法不徇向上官國是所在倚之以爲重嘗以謁告侍親居家效范文正公遺規置田百畝爲義莊以贍周貧族至正交鈔初行賜近臣各三百錠元善復以買田六百畝爲義塾延名士以教族人子弟云

史一百八十四本傳

姚斌字全才山東博興人元壬午翰林官中書兄弟三人斌其季也元末羣雄起斌偕二兄避兵饒陽一時不能相保遂判鐵器傳說係鐵鍋爲三各執其一而分袂斌攜妻魏氏轉徙太康縣西北會城岡寺中久而村人始知爲元

## 太康縣志

卷十 人物傳下

七

遺臣蓋斌初至與農夫伍翛然自得未嘗自言其曾作官人也村人馬姓者甚優禮之遂家焉明洪武戊申年詔不應率三子圭冕貴躬耕樂道不求進取臨終遺囑有但議書勿應試之語迄今岡東尙有其墓子孫繁衍連村

遂成太康望族云

出族譜

王元佐字彥才由徵辟任河南裕州判陞濠州定遠縣尹以事調山東鹽運司官臺場令尋陞通州同知終奉訓大夫彰德路判所至皆有惠政以孫淪貴贈通議大夫戶部右侍郎順帝至正間太康大饑元佐令家人自淮西運米千餘石賑濟鄉人全活者甚衆子孫繁衍簪纓接武人以爲積善所致後迨明成化戊子河南歲饑開封府金守檄西華知縣陳嘉謨以元佐運米賑濟並饒州富民段二十八閉糶有火災刊爲善惡圖以喻部民至今猶存

明

王鈍字士魯元末隱居龍門教授洪武三年徵至京師授禮部主事擢吏部郎中歷大名府長沙府通判陞福建參議參政右布政撫麓川陞浙江左布政

使丁艱歸上奪情陞戶部尚書嘗稱王純張統以勸百僚文皇即位乞骸骨歸遂卒有司立祠祀之子瀟字子清永樂四年進士仁宗時遷鄭王府左長史數以禮諫王嘗擬荀卿成相篇撰十二章以獻語切與王不合召改戶部郎中英宗即位擢戶部右侍郎巡撫浙江有惠政母喪起復入覲留攝部事尋以老乞歸卒

明史本傳

郭曾字師魯祖祐之仕開封通判元末遂家太康曾以春秋中河南鄉試授湖廣黃陂縣教諭兵亂歸隱明初經薦授磨勘司令從潁川侯傅友德征西有功陞御史臺治書卒於官後以逆黨構連逮家屬妻王氏捧遺像申愬高皇一見曰此郭曾從傅友德征西有功者著馳驛寧其家子在豐仕苑馬監正孫濟中永樂戊子鄉試端一授定州訓導復補開封州陞左春坊司諫轉梁府紀善改行人陞鎮江知府奉敕行事遇旱禱雨輒應屬有虎患爲檄告神虎自沉於河民繪異政考最二次卒於官

李克文字德昭原籍山西洪洞人有學行富於韜略值元季之亂隱居不仕明

## 太康縣志

卷十 人物傳下

八

太祖起兵嘗從李善長參軍謀後因善長薦於朝徵之以老辭曰舉其遵皇路而踟躕何如安田畔以悠游北回過太康遂家焉墾闢草萊躬耕自給邑侯王公知其賢嘗賓宴於鬢宮以爲諸生表率並題其門曰耆英年八十卒葬於城東十五里負圖岡

出族譜

傅安字志道太康人也以縣吏起家歷四夷館通事舍人鴻臚寺序班洪武二十七年轉兵科給事中明年復遷禮科都給事中永樂初間西域撒馬兒罕弗賓上遣安持節往使至其國以順逆禍福諭之撤馬兒罕西長負固不服且諷安使降安曰吾天朝使臣可從汝反耶西長怒因羈留域庭凡十三年艱苦備嘗志節益厲西長知終不可屈乃以禮送還國因獻名馬珠玉以謝自是王貢遂通安既歸以老病不能任事懇乞骸骨上憫之賜一品服致仕仍令有司月給米十二石輿夫八人宣德四年卒於家上遣官諭祭仍命有司治葬事墓在朱仙鎮岳廟後初安之使西域也方壯齡比歸鬚眉盡白同行御史姚臣太監劉惟俱物故官軍一千五百人而生還者十有七人而已

著有使遠傳安卒後子霖舉賢良方正任錦衣衛經歷

孫奇逢中州人物考忠烈門

高鑑字克明太康人也曾祖當革除間爲副千戶永樂初謫戍信陽子孫遂家焉鑑年十一時與羣兒戲釣於學宮池水上曰釣鼈亦如此爾指揮劉宗貴之舉于提學副使陳選收爲弟子員成化十一年舉進士授武選司主事時崇王請置守備汝寧大司馬以信陽已置守備而汝寧重置難之集司屬議鑑進曰事不難移信陽守備置汝寧俾兼視信陽則事攝而官可不重置大司馬喜曰主事議便于是常引與計事稱之曰我益友也鑑仕宦旣聞時有所憤切乃言事忤中貴人中貴人知注其名屏上卒以他事逮之調鎮遠府通判在鎮遠爲都御史錢鉞所重時時咨以邊務洞夷有讎相者使鑑輯之不服鑑乃夜徙居他山虛設供帳故所遲明往臥榻已碎鑑從容束帶出帳前議和事夷覘而神之盡服宏治改元移山東青州明年遷鎮江同知嘗置郡事會日本使臣過以詩獻鑑和答立就使臣俛首嘆服曰中國詩人也無何自鎮江遷夔州知府致仕歸年六十七卒鑑善談辨曉音律有鐵溪集若

## 太康縣志

### 卷十 人物傳下

九

#### 干卷

孫夏峯曰公以忤當被逮而謫直矣然作事妙有機權直而不板

見中州人物考經濟門

王節字仲禮九歲能文邑令崔敬大奇之妻以孫女中順天壬午鄉試授陝西鞏屋知縣即崔公鄰邑外兄弟相見甚懽慈祥愛民時稱良吏三年卒於官吏民思之祀鞏屋名宦祠以孫璇貴贈右副都御史

王杰字景用節子厚重博學篤於孝友兄廡乙卯舉人早卒杰撫猶子盡慈愛知縉雲縣邑當孔道以平易誠懇應之會乞休邑民追送數百里歸則以耕讀課子弟有司舉鄉飲焉

王埏字曰振杰子貢士師尚詔反邑無令埏率壯士理守禦有奸人謀內應畏之不得發蕭同知馳至城守已備賊圍三日不能破乃解去次弟埏字曰衡隆慶戊辰進士官給諫嶽立不阿累擢都御史撫甘肅屯科徵輸有策邊方戴之再巡撫陝西會陝告歉埏借漕糧分貯孟津由舟接濟陝西河南全活

數萬又請延慶二郡開懇荒田爲軍民永利致政家居以邑治巽隅缺文峰乃造浮屠十三級創建文思書院延師教邑子弟八十三終賜祭葬恩廕顧佐字禮卿太康人建文二年進士除莊浪知縣端陽日守將集官僚校尉以佐文士難之持弓矢一發而中守將大服永樂初入爲御史七年成祖在北京命吏部選御史之才者赴行在佐預焉奉命招慶遠蠻督採木四川從北征巡視關隘遷江西按察副使召爲應天尹剛直不撓吏民畏服人比包孝肅北京建改尹順天權貴人多不便之出爲貴州按察使洪熙元年召爲通政使宣德三年都御史劉觀以貪被黜大學士楊士奇楊榮薦佐公廉有威歷官並著風采爲京尹政清弊革帝喜立擢右都御史賜敕獎勵命察諸御史不稱者黜之御史有缺舉送吏部補選佐視事即奏默嚴皚楊居正等二十人謫遼東各衛爲吏降八人罷三人而舉進士鄧榮國子生程富謁選知縣孔文英教官方瑞等四十餘人堪任御史帝使歷政三月而後任之居正等六人辨愬帝怒並諸爲吏者悉戍之而皚自戍所潛還京脅他賄有佐所

## 太康縣志

### 卷十 人物傳下

一

奏且言皚謀害已詔戮皚於市帝北巡命偕尙書張本等居守還復敕令約束諸御史於是糾黜貪縱朝綱肅然居歲餘或告佐不理冤訴帝曰此必重囚教之命法司會鞠果千戶臧清殺無罪三人當死使人誣佐帝曰不誅清則佐法不行磔清於市八年秋佐有疾乞歸不許以南京右都御史熊概代理其事踰年而概卒佐疾良已入見帝慰勞之令免朝賀視事如故正統初考察御史不稱者十五人降黜之邵宗九載滿吏部已考稱亦與焉宗奏辨尙書郭璉亦言宗不應與在任者同考帝遂責佐而御史張鵬等復劾宗微過帝以鵬朋欺並切責佐佐上章致仕去十一年九月卒佐孝友操履清白性嚴毅每旦趨朝小憩外立雙膝戶外百僚過者皆折旋避之入內直廬獨處小夾室非議政不與諸司羣坐人獨爲顧獨坐云然持法深論者以爲病

明史卷一  
五八本傳

盼遂按舊志佐卒賜祭葬萬歷三年勛撫王世貞奏請贈少保謚端肅立祠春秋致祭此事不見本傳未知所出姑附于此

張忠字友直沉潛簡易不爲阿隨授陝西藍田知縣當西南貢道往來旁午民不能堪忠調停處置人稍休息軍豪侵民田大爲裁正親藩奪地稅猶在民奏請除稅蒞任六年以憂去民赴闕奏留上命服滿復任歷九載巡按御史奏留又九載赴京考滿性不能事當路陞衡州府通判調鎮江尋致任

郭緒字繼業成化十七年進士使楚府卻其餽授戶部主事督餉二十萬於陝西給軍主者以羨告悉還之歷遷雲南左參議時孟養宣撫司思祿與孟密宣撫司思揆因爭地構怨不已宏治十四年巡撫陳金承詔遣緒往諭緒單騎從數人至南甸斬棘引繩以登復至一大澤土官以象輿至緒乘之往行毒霧泥沙中凡數旬至孟賴去金沙江二舍手自爲檄使持過江諭以朝廷招徠意蠻人聞中國使猝至發兵數萬夜渡江持長槊勁弩環之數重從者懼請勿進緒弗聽思祿既見檄曉以禍福又聞至者纔數人乃遣酋長來聽令緒出敕諭宣示思祿繼至緒先敘其勞次白其冤然後責其叛諸酋咸伏呼萬歲歸地納欵越三年擢四川督儲參政武宗即宗以雲南功加俸一級

## 太康縣志

### 卷十 人物傳下

一一

明年致仕歸

明史本傳

郭存智緒子有孝行父卒盧墓側三年朝夕哀奠不如葷酒母卒亦如之有司奏聞旌表

王朝獻字寵之以明經任遼海衛經歷雖居下位必行其志善雪枉抑人稱仁明受命榷稅有不額者曰此誤耳非匿也釋之中貴人由河而上大擾人皆畏避朝迎諸河從容與言無所索而去攝朝城篆瑩然無累人稱其廉弟朝元字輔宸歲貢生躬行孝友宗族仰爲典型朝賢字立之嘉靖壬辰進士和厚質實言不出口初授大理評事遷寺正務以謹飭自持出知順德府委政同官而考其成郡人稱曰王佛歷陝西副使擢太僕卿出爲湖廣參政奉公醇謹共稱爲長厚君子

安康字道靈清介有守入太學中順天鄉試時詔吏部選堪風憲者康與選當奏聞疾不能赴疾愈謁選冢宰惜之授徽州知州力行教化多惠政卒於官子吉仕推官孫仁宏治丙辰進士任永年知縣沈毅明察人不敢欺三世皆

有顯績

劉慶字元善任廣平府訓導調西安府邊士嚮風有軍武姓者以父老當代慶語主帥曰此予器識必大用宜愛惜以成其材主帥從之其人後至參議九年陞密雲教諭肅府左長史致仕子湜中進士兩爲縣令以循良名陞南京戶部員外別宿蠹人咸服其能未幾卒父子皆有才名

師存智字汝愚聰察有幹細令桐城以能稱拜御史大著聲望總兵張洪征遼爲監軍有金帛之賜巡兩浙鹽按陝西風裁凜然劉瑾下員外韓邦靖獄存智力救得不死閹人橫行獨畏師御史生平無苟交妄取卒於京不能殮信陽何景明爲買棺殮以歸

韓瑀字廷玉以明經任工部主事有才幹時營建北京多所經營中貴人紛競掊尅中立其間無怨無德人服其調劑之才

王煦字景陽中景泰癸酉鄉試任襄陽府同知廉介俸外無一毫染在郡九年宦囊惟敝衣數事而已陞福建都轉運同知嘆曰錢穀之數我何浼爲不之

太康縣志

卷十 人物傳下

一一一

任

何維字承之美風儀善談論矚然有守爲山東冠縣知縣廉明仁恕時有莘縣城隍冠縣何郎之頌莘縣城隍神最靈顯故以相况擢南京戶部主事摧揚州稅以清介著遷貴州思南知府執法不撓人多忌之因有中傷者公論惜焉

姬自修字子治知沙河縣邑衝疲調停有方大得民心嘗以修署銀市穀振飢出俸代民完稅部使者三薦其才有中傷之者罷歸

王汝訓字廷言沈靜端恪平生無非僻之舉任山東章邱縣知縣清慎御下吏畏民懷惜年不永未竟其志而歿

郭顯忠字同竹萬歷丁丑進士知桃源縣有異政紀治河功欽賞丁艱起陝西三原考前任績擢工科給事中侍經筵以論事忤內璫出爲漢中知府邢清政簡民訟其德遷分巡靖北道改湖北又次朔州以封事賜一品服色加山西布政考滿贈三代建坊叙邊功陞南京太僕寺卿乞休疏五上准致仕顯

忠長於詩有雲中吟楚遊草等集林下著效顰小草紀年譜崇禎元年卒賜祭葬

郭世忠字慧韓顯忠弟萬歷甲午舉人幼受易於顯忠聰悟罕有其儔初授廣平府通判駐臨洛關扼京師通衢應接煩費世忠處以暇豫民不苦役轉泰安知州東嶽其屬境也每歲謁廟不下數十萬人互相競擾世忠嚴行禁止定有科條民不敢犯會中貴謀祀東封以供給不備觸其怒遂解組去歸秦尚明字湛若萬歷己丑進士天性剛決落落難屈知蕭山宜興兩縣金天屏絕擢戶部主事痛陳利害釐剔積弊遷陝西參政邊庭事績皆上關國計下利民生清勁之操始終如一後歸里邑人爲建剛方正直碑於城西門外以表風慨

杜文煥字明華萬歷丁未進士司計部持籌有方出守池州寧國二郡稱廉明陞山西參政壬戌賫表入賀時權璫用事上言宜親賢遠奸痛擊時事不報丁艱歸乙丑中旨數起文煥曰美官易得惡名難追卒不就生平清廉持重

## 太康縣志

卷十 人物傳下

一一一

不詭不隨卓識沉毅有過人者

張修德字鳳芝萬歷甲辰進士祖涵爲名諸生家貧有富翁某餽之數金堅拒不獲乃受之曰後必以報及任潛山訓導歸其人已死奠於墓以金還其子人稱厚德父正蒙歲貢生兄崇德舉人修德幼聰敏日讀數千言初授南樂知縣真心實政吏民懷畏隣封疑獄咸取決焉以憂去職後補寧津邑爲瀛海巖壤有露刃稱王者修德以計擒之餘孽解散擢廣東道御史慷慨陳時事奸人側目出使蜀藩歸卒上愍之命諭祭入鄉賢祠

王瑞麟字咸有萬歷戊午鄉薦沈博六藉尤精於書邑蠹崔姓受隣驛金移派陽夏歲協八千金有奇里下驚擾麟率邑人白其事補林慮教諭臨晉知縣遷州知州多惠政卒於官

王榮寵字拙翁少而穎異試數冠軍入棘圍十四次不售以明經選授雒川知縣雒川告饑經略孫傳庭檄豆草殺戶吏傳首雒川榮寵抗疏請命民得息肩雒東南接白水寇蜂午鄜州兵使議盡殲之民驚匿山谷中乃爲文止兵

親行綏勸所全無算調安邑循行阡陌減荒糧二萬餘不殊雒川政教云  
賈玥字同玉博學篤行孝友備至父早世無厚產母拮据諸弟俱幼苦身奉母  
久困諸生中讀書不怠以明經任鄒縣教諭身教率先士多譽耄  
石守燧字巽齋以明經任滁州訓導遷河間教諭端偉有度性簡澹恥爲世趨  
問道者履滿姪可介幼失怙撫如己子長教誨成名家貲頗豐命四子與介  
均析無二視蓋亦人所難者

曾省信字抱一萬歷己未進士耐於古學讀書有靜悟厭辭華言笑不苟崇禎  
癸酉禮曹奉旨正文體以其經墨爲中州鄉場楷模所著有芝香居詩忠孝  
文集刪正大全傳世卒贈戶部主事

見府志

魏玥號述野弟璠號仰野父年老璠玥俱垂髫資產爲長兄所漁家道落絕不  
較也事父母孝養備至及歿哀毀骨立兄弟同爨七十年內外大小無間言  
玥子祚泰郡庠生博極羣書善草隸璠子祚永領庚午鄉薦兄弟閉戶讀書  
沉默自守經財樂義賈有孫翁者寧家寄鋸鐵各半百十五年不至至則封

## 太康縣志

卷十 人物傳下

一四

識宛然貫索已朽邑令梁以樟表其閭曰孝友里

耿光字藜炤增廣生世業農多隱德父應科好善樂施同居七世內外幾百口  
應科歿光身任之事繼母孝課諸弟嚴諸弟亦奉教惟謹置圓几二內外各  
以次共食尺布斗粟不入私室祖萬耄年在堂十餘年坐臥一榻光晨昏扶  
侍如嬰兒赴試大梁旅店拾遺金數百俟其主歸之至今猶道其遺事弟耀  
歲貢生炳崇禎壬午舉人考授推官耿氏以孝友名世子孫守其家法中州  
稱禮讓者以耿氏爲最光嘗與耀財耀曰家有長兄我無用此爲也壬午逆  
闖陷太康耀率弟肩輿舁母避河朔貿布供甘旨母歿衰毀力疾扶柩渡河  
時許定國襲高傑興平攻之道路梗塞耀挽車於烽燧戈鋌中晚述家訓置  
祭田修家譜著有絃絙草詩文數帙行世

張方字守正嘉靖時人世居邑北大吉村性至孝村近先塋依塋修宗祠移居  
其中自號思齋永孝思也居恒朝夕必奠飲食必薦祠宗整嚴有缺必修善  
居室積穀盈萬石戊辰庚子連遭歉荒方出粟七百石招比隣村落借貸之

全活甚衆比年豐不索償持券焚之延師訓子富而好禮子瑯補臬司吏知

大體邑儒學李鴻漸爲文誌其墓

舊志闕遺據發出墓誌補入

張淑周住朱花村事親孝身無兄弟篤於族誼累世施藥放生至淑周周貧濟困如恐不及叔父銘閣歿遺孤貧困供其菽水不使乏從兄淑郭瞽周之終其身從姪克敬死家貧孤子無依淑周給貲使謀生佃戶之無力娶妻者助之族人喪葬不能舉者賻之逼歲除大雪絕糧者多賴全活西安客馬輝卿覆舟江中淑周爲具衣服被褥留四十餘日給貲送之海門人姜晏河被海災挈家二十八口投親於洛過門求濟淑周留之十日助之貲而西新野人孫姓携男女十口風雨中至門孫有兒方出痘淑周留養二十日痘者愈始貲而遣之與睢州王文斗友善文斗貧乏不能自存乃迎養於家十餘年歿而葬之五世以來不識賭具有賭者望見之輒避匿里中言不善事不可令張淡溪知淡溪者淑周字也時人比之王彥方云

尙孟仕居縣東北高朗集歲值大稔輸粟助振全活者以萬計城池頽壞捐貲

## 太康縣志

### 卷十 人物傳下

一五

助修費三千餘金邑侯沈以事聞欽賜匾額獎以冠帶署縣事長孫孚宸自有傳次孫瞻宸由選舉授寧國府同知有惠政儒學吳撰文以表其墓

張維世字海澄萬歷丙辰進士歷平陽知府捕治絳州奸猾數十還遷副使累官右僉都御史代陳新甲巡撫宣府見事甫旬日坐失防削籍遣戍已而釋還崇禎十五年三月十二日逆闖屠陳州人情洶懼有議棄城者急告縣知魏公聚衆誓井諭以大義又陰察人心已變乃私鑄一古硯小兒拍手笑呵呵李闖死在太康坡暗投井浚井得硯人心乃定十八日賊薄南門挾僞示諭役降免死守城者相顧不敢動維世曰給我也守亦死降亦死與其降而死不如堅守可冀一生即死亦不失爲忠義鬼乃燃炮擊賊殺數人賊怒豎雲梯環攻矢石如蝟賊善鑿城穿穴數十丈置火藥其中名曰放甕每擊城輒壞兩日一夜不絕聲維世立矢石間悉力以禦緹人敵樓中擊以順城燃炮萬人敵燒之投石中之賊死如山積我兵死者亦相枕籍人無生色十九日東南角譙樓失火烈焰冲天衆潰城遂陷賊突上執維世去自成責其不

降維世曰我朝廷大臣義當守不濟則當死自成又言汝在陝西做官好能輸銀十萬可免死曰好官焉得銀自成劓之恭人李氏積薪室中與其子生員正誼先縱火後自縊死正誼妾汪氏亦投井死兄弟子姪二十餘人皆被害迨清定鼎詔錄節義時以維世無後故未蒙卹典

今按清光緒某年生員張楷具海澄事實請

顛邑進士禮部右丞劉果具奏蒙准勅建專祠

馮貞吉字湛元生而醇謹好讀書時人目爲書車登崇禎甲戌進士授陝西富平縣知縣半載歸家讀書課子不預外事晚歲衣食或至艱窘泊如也壬午三月闖賊圍太康貞吉謂妻任氏曰吾讀書成進士受官爵義無生理汝爲婦人生死之際宜自審處任氏許之次日城破夫婦同投廡下井死子昌辰從焉

魏祚永字嶠棠號永錫崇禎庚午亞魁沉靜清介居城邑如在山林非公事不至公門壬午三月闖賊圍城分守南門及東南角陷歸家與兄祚泰及家人訣拜先祠坐室中賊至曰汝魏舉人耶從吾當活汝祚永曰兄病吾不忍舍

## 太康縣志

卷十 人物傳下

一六

兄而從賊賊怒殺之祚泰病在床見賊殺弟大哭且罵賊並殺之祚泰字崑棠邑庠生善書能詩意氣傾一時崇禎十三年大荒人相食出粟賑饑全活甚重人每慕稱焉

李可灼光宗時鴻臚寺官帝大漸可灼進紅丸次日帝崩熹宗即位紅丸之案遂起可灼太康人也

張鑠字右文陳州籍太康人廩膳生少負大志有經濟才崇禎十七年二月以內閣范景文薦三月初一日召對中左門陳三策首請太子監國南京擇耆臣爲輔次搬運通粟次守城要略又條議十八款上命留覽詔吏部以御史擬用旋時勢孔急都門戒嚴奉兵部咨文招練曹濮等處義勇入衛及途聞京師陷北面伏地痛哭南渡河馳赴漕督史可法欲共圖興復可法卒乃歸里數椽茅屋自耕而食因號食牛先生云

王永隆萬歷末由博士授中書舍人督催湖廣江西織造素悉織戶賠苦卻例餽不受後改內閣中書天啓時魏闡擅權楊左慘死嘆曰科名如此吾尙何

爲遂告歸生平好施濟雅敬賢士崇禎庚辰大饑人相食待以舉火者十餘家甲申聞變嘆曰此身義不苟生乃北面拜痛哭謁祖墓數日不食卒尚孚宸生員壬午之亂逆闖攻太康城破賊黨刦掠鄉村孚宸同弟寧國府同知瞻宸避賊於集北寨寨素有良馬賊欲之給曰獻馬當免屠孚宸兄弟謾罵之賊怒縱火攻寨寨破兄弟被執罵不絕口賊支解之全家並遇害王敬大善寨人素有韜略值明季流賊蜂起練鄉勇以保寨及闖寇至淮聞名欲援爲羽翼不從賊怒率衆攻之寨破敬奮鬪力盡被執寇曰從吾可免死敬曰吾寧爲忠義鬼不作降賊人大罵不屈遂遇害

李尙德字希适號成軒住城東李忠口村慷慨有大節年十四以案元入庠旋補廩膳尙躬行不屑時藝以世道民生爲己任尤精天文及古今兵書邑都御史張海澄公素器重之崇禎十五年闖賊來犯尙德屢以策說邑侯魏公皆鑿柄賊圍城尙德約衆拒守累日乏食而戰氣自倍城破猶巷戰受重創被執賊重其名勸之降罵曰希适大明烈士豈降賊乎遂遇害臨刑口占五

## 太康縣志

卷十 人物傳下

一七

絕一首云身殺仁成我此心復何羞賊氛恨未埽尙遺帝京憂時三月十九日也後二百餘年邑廩貢生軒冕爲文贊之警句有文山劾義枋得比忠名

垂青史氣貫白虹諸語

今按尙德後裔散居李墨庄水牛李庄李于庄栗罔惟李中口村爲其故居有塞可考

清

李善感字孕秀少博學善詩辭久困諸生年垂暮聯捷成進士授平山知縣聞學諭王君喪久羈不歸乃貲送之且致賻爲營葬計調醴陵未之任卒所著有四書要旨繼述堂詩臧於家

石大品字萬有性至孝年十五博通經史試輒冠軍順治戊子拔貢授金谿知縣革除火耗令百姓自封投櫃屏一切交遊重修學宮朱陸祠歷任五載母病告歸囊中惟圖書數百卷而已林下三十年引掖後學戶外履滿安貧樂道手不釋卷一時著作咸歸之

楊達字三山順治元年恩貢授山西大同通判駐朔州姜懷叛州皆附賊僞檄至士民數千闕於庭欲擁之迎賊執義不從爲賊鬻殺事聞贈按察司僉事

賜祭廕弟遠知縣府志

王曉字公旦由武生保舉平逆闖餘黨有功授軍前行營千總順治三年隨總兵范紹祖副將李必忠下溫州所向無前守泰順羣賊數萬攻圍曉嬰城奮擊後援閩江東橋陣亡子墉尚襁褓未蒙恤典乾隆五十七年奉文咨查李知縣轉詳以曉六世孫本昇廕襲恩騎尉世職

王輔運字林州順治丁亥進士授內閣中書舍人奏罷屯官等四款遷刑部四川司主事定律令清疑讞差理直隸獄犯奏免秋刑以才品調禮部祠祭司擢本部郎中議祀典除張浚進于謙從祀時論違之轉湖廣上荊南道荊州屬入雲南衝要每歲大兵更代供應煩鉅輔運獨任其勞官民不擾康熙元年進勦山西殘寇圖穆傅三大將軍統禁旅及川陝河南官兵凡十二萬輔運職任督轉屢單騎入賊穴日夜催辦糧餉相繼兵食以足二年奏捷三年入覲四年復任改湖廣提學道卒於官子漁歲貢生考國子監學正遷工部司務白堂官捐舊稅絕火耗遷刑部主事轉員外郎察獄周詳多所平反陞

太康縣志

卷十 人物傳下

一八

戶部江南司郎中除高郵埭田七百餘頃民無賠累以疾歸

許重華字松牖順治壬辰進士初授山陽知縣有誣命疑獄歷年不決一見即得其狀再補懷集殘逆龐國振擁衆屠掠身先士卒衝險追之賊盡歸誠遷冀州知州每盜賊竊發不旋踵逮者已至稱神君焉擢臨洮知府地界邊陲人不知書乃修椒山書院置十三經通鑑等書簡俊秀講肄其中糧多積欠屬令坐繫者七人白上憲清覈設法抵補一時報完擢溫處副使時海禁嚴民多失業癸丑入覲上御便殿召朝覲官詢民疾苦重華疏陳七事首以開界爲請開海二百里民皆懽躍舊有海防兵三千占民居因檄所屬修營房數百間兵民兩便又蠲荒賦減徵派補缺徭溫民肖像祀之家居謙退如布衣著有紳書集公餘草藏於家

張見龍字羽京壬辰進士除括蒼司李括在浙萬山中民多逋負至則惻然曰荒不蠲則賦不給舊欠未清新稅重困若莫蠲荒徵熟乃籲督撫奏上得請括多疑獄辨其枉者釋之觀察使批駁再四見龍持益堅曰吾爲朝廷全無

辜非與觀察爭意見也何盛氣相加爲自是人憚其風旨當時以爲廉明第一會司李缺裁補乘州知州州多巨猾煽民逋稅積八萬有奇設法招致民無逋負丁艱歸服闋補靜海水陸交衝民苦牧馬厲禁過之邊人不敢南牧俸滿擢祠祭司主事蒞事未幾即告歸歲庚申本邑霪雨民不聊生力請當途免歲輸之半邑人感德爲立碑誌

魏觀颺字元賡以歲貢選授曲陽通判管轄倒馬固關龍泉三關事務鼎革之初地方甫定姜瓖煽亂關外皆賊穴羣懷疑貳颺敕所轄嚴守備擒奸細百餘人黠者誅之餘皆結以恩義人心始定擢泉州府同知署惠安縣事撫按牒清丈地畝百姓驚匿颺條悉利害力請停止卒省加派萬金惠安民爲立生祠丁艱起復補鎮江通判海賊入寇時雉堞不完守令恐甚颺諭紳民分堞修整一日夜器具咸備寇至賴以無恐以疾告歸親友或勸之出笑而不答優游林下以壽終

許定國字膚公號大狝身長七尺膂力過人有寺鍾重千斤坐地衆議設機縣

## 太康縣志

### 卷十 人物傳下

一九

立定國獨以雙手舉起喘息不作因號爲許千斤初由行伍歷任山東遊擊以平白蓮教功陞副總兵崇禎七年甲戌二月七日流寇圍太康土城頽壞守具不備定國領儲將健兒立碑上連發數矢賊驚遁撫按疏薦陞寧武關總兵從鎮遼陽十六年授河南援勦總兵闖寇陷北京定國駐睢陽誘殺高傑清兵入關定國受撫隨豫王南下爲正白旗固山授光祿大夫一等精奇尼哈番世襲

柳同春字太和體貌魁梧膽略過人明末盜賊蜂起杖策從戎累立戰功守備繁塔調山西遊擊與賊戰屢有斬獲清定鼎授江西都司僉書康熙元年陞授江北狼山總兵官弟生春康熙元年同春具奏補御前三等侍衛陞二等拜他喇布勒哈番同春子毓芳性沉毅遇大事聲色不動居家以孝友著少多疾不任家事會朝議世蔭同春意屬仲子毓芳即體父志稱疾讓爵當世稱之

張法棻字六三增廣生員有膽氣嘗曰秀才詎不能平亂耶順治三年隨征南

大將軍貝勒王收取浙江授福建崇安縣知縣有善政時閩寇猖狂奉檄招撫悉平之加陞招撫同知以父病告歸

孟汧字伯霖<sup>康</sup>廓熙甲子舉人初任江南穎上縣知縣廉明善斷士民帖服境故多回民風氣梟獍汧履任一洗舊染謳歌載道尋以治行取補刑工兩部主事著賢聲以病告歸卒於家

王汧字霖九康熙丁卯舉人任雲南南寧令政治嚴肅聽斷明充委訊霑益州疑獄立雪其冤總兵某縱兵橫出汧繩之以法不少貸以勞卒於官前尹晉江張丹颺銘其墓之仕學兼優稱之

段舒字仁九少力學盛暑嚴寒中夜不輟康熙<sup>康</sup>庚午舉於鄉丁丑成進士授安慶潛山令前任有盜案誣陷王小等七人舒訪獲真兇金四等冤獄以白設義學識拔寒畯棘圍校閱所取多知名士潛山數被災請振請加復借項煮粥全活無算士民有悅來集頌之尋行取離任卒

李魯字寓哲號愚谷康熙丁丑選拔父龍圖歲進士有學魯幼丞庭訓英年名

## 太康縣志

### 卷十 人物傳下

二

馳譽序爲文宏博雅練矩矱天成拔萃後四方負笈至門下者文登賢書武魁虎榜食餼入庠指不勝屈惟魯遇蹇一第晚年謁選部身歿後始蒙上蔡訓導之命人共惜之生平行敦孝友侍父疾二十餘年不離床簣教人先行誼後文藝所成就多惇篤士其卒也淮陽同年祁庭儀爲文誌其墓

耿炳字祿炤光異母弟與仲兄燿同受學於光事之如嚴師因亂偕仲兄昇母河朔兵燹流離色養無間母卒喪葬如禮仲兄嘗謂之曰建祠垂訓諸事炳弟與余苦心訂權有心可嘔無力可措其自治精勤如此炳旣登賢書棄禮闈不試謁湯司空斌於睢陽印正心學且以不獲見蘇門先生爲憾上守兩兄經法而下以詩書裕後者皆炳之力也晚歲安貧樂道教授子弟兄光嫡孫帝德鶚薦兄燿季子繡彝成進士均另有傳孫儉德昭德立德連舉孝廉鄉里榮之

耿於彝字舜中庠生丰姿倜儻能飲善書以學行舉鄉飲大賓父喪未葬值闖賊屠太康於彝獨抱父柩號泣不去賊大至迫之曰汝獨不畏死耶推墮城

下傷脊不死越三日賊退踉蹌歸家以土掩柩而後去時歲大授人相食邑令贈穀四十斛悉解去除自給外其餘以振貧人督家人廣種菜子明春菜發任人刈食全活甚衆年八十二卒

孔興唐康熙丙子舉人授山西寧鄉縣知縣之任五日即舉修聖廟除公帑外捐銀數百兩半載告成寧鄉屢遭大荒民多流亡額糧積欠甚多興唐以俸銀千餘代民全完所有鹽丁規禮悉請除革縣有青龍三交等鎮多虎患唐到任齋戒告山神患即除邑人至今尸祝之

郭維墉字升庵康熙癸巳舉人初任廣西桂平縣知縣時捕獲罪人梁某率有牽誣墉鞠訊核實多所全活尋調上林縣桂民郊送有泣下者上林獞獞雜處每遇差喚胥役多索擾墉度地遠近限以時日獞民稱便調邊未及三年以病卒於官

柳正芳初任澠池教諭報最歷知兩縣擢雲南澂江知府興利除弊政績多可紀者家居恬退樂善好施卒年七十五著有就正集

## 太康縣志

卷十 人物傳下

二一

許維嶽廣東樂昌知縣有善政辨誣枉興學校殲翁源大坑山寇韶州鎮兵譁於營倚山結陣嶽單騎諭之帖然歸伍所著有 頭集硯齋稿藏於家

柳國勳字世臣賦性倜儻才氣卓犖以恩蔭除山西襄垣縣知縣屢決疑獄有能聲陞汾州府同知尋擢湖北漢陽有府陞驛鹽道歷多善政商民爲立祠尸祝之雍正元年晉江西按察使以公事罣誤旋補刑工兩部郎中致政歸卒於家生平度量豁達家藏瑪瑙瓶素所珍愛爲家童誤碎碎留無愠色人服其雅量云

鄭志鯨字弦齋號桐月性恬淡壬午登賢書己未成進士殿試入詞林以檢討用在翰院五載改外用授山西長子縣清慎自矢恤士愛民甲子丁卯壬申癸酉四科爲同考官所拔皆知名士調曲沃地當孔道值金川軍事往來驛遞供給無缺民復不擾陞絳州知州撫憲保舉知府送京引見奉旨候陞未半載因公鐫級改調直隸內邱知縣志鯨知數奇甘心義命以親老告終養解任歸里兩袖清風杜門不出同年宿好蒞任河南者率避嫌不見惟與二

三社友談論往事以敦舊好云

耿繡彝字用中耿燿子康熙癸未進士品端學邃初授湖廣臨湘縣知縣政尚寬平崇重禮教士習爲之不變以卓薦補禮部儀制司主事尋以疾告歸充本邑書院掌教勤講習精訓課多所成就後家居不廢吟詠所著有四書遵註性理解孝經集要行世

耿帝德字亦夔耿光孫明季隨父避難河朔年十歲父病不食亦不食主人異之謂爾童子何自苦曰父不食我能下咽乎十八食餽於庠聞孫徵君講學蘇門負笈往遊三十薦於鄉與睢陽湯孔伯嵩陽耿逸菴友善同以理學知名念父春秋高無意公車家居雖盛暑必衣冠端坐從遊甚衆初授商城教諭同考湖廣還立學規培士習有蘇湖師範丁艱歸哀毀如禮不飲酒茹葷不入內者三年服闋補永城復入闈同校奉檄代縣捕蝗炎天烈日旬餘不少息別境受災永禾卒無恙歿之日囊無餘貲所著有學規八則日知錄慎思錄孝經序解行世

## 太康縣志

卷十 人物傳下

一一一

郭玉林字卓凡太學生幼隨父任無貴介氣好學博識孝弟克敦著有格致錄耕樂堂詩草夢藝軒詩草咏八景詩數章載舊志生平好義有族女五歲失怙恃本門無能養育玉林自爲收養諭妻許氏教以內則衣食訓誨皆如已女擇配邑庠生尙灼林子二長鶴年庠生次鴻年乾隆庚子舉人邑知名士多從之游郭氏入庠中式者咸受啓迪分發廣東試用知縣告改鎮平縣教諭到任舉修滄陽書院文風大振六年卒於官

耿漢元字傑三號鐵庵歲貢生孝友性成爲學先德行後文藝而湛深經術試輒爲諸生冠貢後友教四方門羅俊彥賦鹿鳴列鬻序者百餘人尤潛心理窟著有體認錄四書話要五經大旨藏於家

王者棟字觀光康熙甲午舉人丁未進士少孤事母至孝學有根柢數主邑書院多所成就當事以經學儀型旌其廬初授廣東東安縣知縣以養告歸後補浙江慶元縣知縣所至稱賢卒於官著有文集行世

郭書歲貢生雍正十三年輸賑穀一百石乾隆八年輸賑穀一百石十二年輸

書院銀五十兩十四年輸普濟院銀五十兩太守邑令屢給匾獎

高以紹字子哲好讀書淹通經史年未冠邑入庠旋食廩餼行敦孝友爲士林楷模課子授徒以嚴肅故門下多英俊士癸巳登賢書春闈屢薦未售士論惜之卒年七十有三

鄭協字寅恭沉靜寡言嗜讀雖隆冬盛暑不少輟弱冠補博士弟子員文名益著後學多資成就子履謙字六吉早列邑庠康熙癸卯膺選拔性穎敏寓目輒成誦著述甚夥以家貧不能付梓遂至散佚事親色養得父母心居母憂三年無笑容事繼母不啻所生父病侍湯藥五旬衣不解帶處兄弟推讓分產族黨有緩急悉力助之不少吝慷慨尚義克肖父風

柳霈字乾三甫冠捐州同知乾隆二年發河東效用歷仕山東恩縣主簿武城縣丞十六年制府顧舉卓異引見陞擢貴州開州知州州固巖邑霈剔弊釐奸民知畏法且懷德焉歲餘以開州兼署修文縣事開修相距九十里山徑盤紆民有走訟者令各於所治受聽往來視事百姓莫不心服二十二年冬

## 太康縣志

卷十 人物傳下

一一三

署安順府郎岱同知以開州事被議歸里旋因鑾輿西巡接駕賞給原品頂帶是年秋河決中牟呈請自效工竣報最奉旨發往河南以河工同知補用借補儀封通判二載題補開封下河北同知分轄祥陳蘭三縣河道在北河六年勤勞王事以卓異引見奉旨選授浙江甯波府知府未蒞任卒子遂夏由州同知備補陳橋主簿前隨父任留心治河及蒞任雅有父風星夜巡視不郵勞劬工賴以固民感其德後補山東德州州同舉卓異陞授沂州府通判有善政以老致任卒於家

王九儀字聖璽性孝友乾隆二十八年例授浙江布經歷署杭捕盜同知拿獲私造烏槍巨案陞杭州捕盜同知丁父艱服闋引見旋告終養嗣除湖南寶慶府理謠同知管核保兵教練技藝使有勇知方待民推心置腹秋毫無犯五十九年調任常德府同知鎮筸苗叛撫軍委解糧餉五日夜自常德抵鎮交卸旋委白恤難民全活甚衆兼隨提督冒險各處核札營壘復委軍營催趲軍裝糧餉火藥毫無遺悞七月調赴辰州府軍營解夫三千名抵貴州銅

仁府一帶探往貝子中堂大營交卸中堂嘉賞翎頂委管貴州湖南兩省全夫俄染瘴遣回鎮筵調養忽逆苗圍城抱病帶領本管堡兵二百餘名晝夜防禦鎗炮齊施三晝夜逆苗始退病益篤制軍伏公深加獎憫勸令回辰州巡撫大營調養未數日病故事戴入奏贈知府銜勅書一道賞祭葬廕一子忠言

周龍章字雲臺生時里人如聞空中有鼓吹聲歲久乃寂爲人雄毅寡言愛讀史册乾隆庚午中式武舉部試一等揀發河東補千總王倫恣事擒僞總兵丁士杰等五人陞守備戴廟鎮營租歲收錢糧係由民地龍章查出豁免之四十七年河決調用河工事竣陞河營都司尋擢游擊五十一年大饑請貸濟寧常平倉穀一千石散給兵卒營中賴以安全連年催趲糧船不受饋湖南糧船脫空私携桅木查明揭報以清正聞陞參將楚豫川陝教匪滋事龍章統兵守汴二年調防楚江迺於要地堅築四砦身屯小江口以當其衝及賊入豫境豫撫景檄調守盧氏寺坡鎮防護嚴密陝賊未敢侵掠豫撫景陞

## 太康縣志

### 卷十 人物傳下

一四

湖督移鎮襄陽派龍章爲中軍由宜都一同進討抵歐家寨謀知張總鎮失利景督問機宜龍章曰當事不避難吾惟知以身報國耳馳至鍾祥縣之白雲山賊小却龍章相山旁小山可窺賊虛實請分兵先據俄賊衆大至後營已被殺圍單參將陣亡勢甚危急龍章開營出戰呼聲震地自卯至午賊大潰官兵僅七千人奪旗百餘杆殺賊無算生擒賊頭張漢潮子景督繕摺首薦賞戴花翎追賊至荊州經略額侯兩翼長楊少保皆資龍章謀畫因自請爲額侯前鋒景督壯之追賊至房縣之八道河賊敗連越三山奪旗三百餘桿殺賊二千人生擒張漢潮妾益乘勝追勦賊連敗僅餘數百人遁入川省額侯入山勦賊景督留楚守禦章偶得疾十日不思飲食疾小愈謀報楊開甲等賊寇竹溪景督遣官問疾且探龍章意力疾見督願以本部兵迎敵賊督含淚送之蓋壯其志而憫其疾也刻即統兵前馳與呢游擊合兵拒戰賊仍折竄回陝後移鎮西蒿坪埡爲郾西門戶龍章察其形勢建策築邊牆一道長三里餘蒿坪始可守楊賊往來邊垣外不能入景督贈以詩有西面

長城賴有公之句嘉慶五年龍章方在漫川關拒楊逆李逆乘虛攻蒿坪龍章往援帶弁兵三百屯上津總口賊衆突至勢甚危會恒帥統大軍至與賊酣戰龍章從後邀擊殺賊無數軍中稱福將焉叙補河標參將六年正月冉逆突攻西川砦守守飛文請援大營兵僅三百恆觀察難之章曰賊若來破西川入漫川扼我咽喉我雖欲救無及矣督兵往援至則冉逆北趨將逼我老營營中惟餘把總一馬兵四步兵八十四楊賊統衆十萬復至邊牆肆行焚掠火光燭天章乃厚賞平日之熟販進營巡更沿邊牆列火繩兩頭可燃留一兵守寨餘兵帶越邊牆分丈坐守夜則徧燃火繩燦如星漢兩逆驚疑西奔及回營恆觀察勞之曰武侯空城計復見於今矣險哉迨賊破逆擒邊陲清謐題陞中鎮副將引見記名以總兵用十四年以目疾告休龍章孝友性成及貴祿不逮養凡遇祭先之期無不流涕終日年八十一卒長子金堂舉人歷署長葛鄆陵訓導尉氏洧川涉縣武安教諭次子滋堂山東崞縣縣丞三子珀堂山東新店開官

## 太康縣志

### 卷十 人物傳下

二五

張鉉邑庠生性至孝城破父病不能行負之走賊逼欲殺之鉉至誠哀告數四賊曰孝子也釋之迨父終窮迫多方措置喪具必慎必備母病百日鉉晝夜不離三妹皆分給貲產曲遂母心有司以孝行奏聞邑進士王輔運爲之傳劉杓邑庠生湛子數歲時村居突聞寇至舉家奔竄杓急扶母行去痛父未出復返抵家見羣賊在室疑父被害而不知其已脫也發憤大罵被賊慘殺王步餘字留園光明俊偉倬儻有國士風乾隆四十一年授鄭州司訓繼遷睢州孫正高宗聖壽八旬得與千叟宴蒙聖貺詔宴寧壽宮賜之衣杖壽八十七

牛域太學生雍正十一年捐修學宮銀五十兩邑令吳給匾褒獎十二年輸社倉穀五十石乾隆元年歲饑散穀六百餘石不收其值每歲冬遇無衣者爲製衣死無棺者爲買以殮撫諸孤姪如己出子貢生學孔遵遺命焚券計捐棄五百餘金曾孫錫麟嘉慶二十年捐義倉穀二百石邑侯孫賜匾旌之朱奎光字健菴邑庠生住南區朱堂少失恃依父成人幼侍父疾湯藥必親嘗

親族共奇之十二通五經能詩賦早年入泮父歿號仆復蘇者數壯年文學著名門多佳士著有梅邨詩集萬全醫書未梓年四十八卒子學海天性孝友號事剛決中乾隆甲寅舉人任廣西左州知州下車即創修書院己巳大旱禱雨則應先是州有虎患迺躬詣城隍廟謁誠致禱虎遽渡河去民頌聲載道爲撰異政集以紀其德以病告歸卒於家

耿奇英附貢生選授葉縣教諭學優品端引掖士子一準先正遺規當時感發奮興多所成就嘉慶元年楚匪入豫境中丞景檄委縣令瘳守保安驛飭奇英代理縣事及匪臨城下率鄉勇防守越三晝夜弗懈城得無恙上憲嘉之張欽祖字霽峯世居城西門內由縣丞分發直隸以廉能保升知縣歷任靜海廣昌天津等縣陞滄州知州宗室畸善深知之善督川省奏調欽祖補四川授劍州甫下車即清滯獄百餘乃勤撫字祛積弊慎刑獄嚴盜賊在任有廉儉明決之稱隣封之民亦沐德澤道X遠X有頌聲子鴻達鴻賓

郭延和字夢圭性豪爽不願就制科援例入監惟賦詩飲酒自娛性耽古今書

## 太康縣志

### 卷十 人物傳下

二六

籍寢饋不離日以課子弟爲事子雲鷺歲貢雲鵬庠生雲鴻副榜雲鷄拔貢姪九江庠生皆由廷和之教也

龍復字培元號蘭齋乾隆丁酉拔貢少孤事母至孝撫孤姪應乾成立制藝宏富屢列前茅拔萃後授生徒經多所成就教子嚴肅俱有法度長子廷圭歲貢生次子廷霖嘉慶辛酉拔貢四子廷言嘉慶癸酉拔貢孫之黼庠生年七十三卒著有詩文集藏於家按之黼後佔籍項城

王維翰邑庠生博覽羣書潛心文理啓迪生徒多所成就仲弟宅三歲貢季弟俊三副貢子淑度邑庠生孫鳳池食餼弟子成名者有拔貢李心丹等數十人家學相衍桃李滿門里黨欽之

劉士貴字榮三賦性穎異讀書過目成誦凡所涉覽歷久不忘當時號爲書庫小試輒冠軍己酉選拔庚申登賢書事親備極色養母歿水漿不入口者數日居喪三年未嘗見齒課生徒受裁成者數十人四人禮闈屢薦不第士論惜之

郭來賓字客周乾隆丙子副榜甲寅舉人性端重嗜經史教授生徒多所成就登賢書列鬻序者百餘人嘉慶癸酉授鄧州學正引掖士子有先正規範州中文風爲之丕振著有明經堂詩稿藏於家

張西嶺字鼎臣性孝友耽書史戊午登賢書年六十事八十老親朝夕起居毫無倦容授生徒四十餘年以理法爲宗匠鹿邑淮陽等邑賴以成就者百餘人嘉慶辛酉授永城訓導課士維嚴文風日上告歸後猶手不釋卷歿年八十三

施明遠字秉鑑歲貢生恬靜好學室無斗儲布衣疏食晏如也父患病腮漏湯藥親嘗甘旨不缺鄉黨稱之率族人建祠堂修譜牒以聯宗誼晚歲訓課諸生竟日無惰容子雲漢姪省齋龍尤策名學校成就不下百餘人生平不預外事隻字未入公門著有敦本稿藏於家壽七十三而卒

許然字熙南賦性穎敏雅善詩文乾隆初功令考試增律詩康邑士多未諳邑侯武公延入書院一時韻學音律皆所傳授舊志載然詩甚夥子永壩歲貢

## 太康縣志

卷十 人物傳下

二七

生亦精詩賦兼工書法邑中知名士多出其門就教職未之任卒

邵詵邑廩生性孝友侍父病終年不解衣及喪不飲酒茹葷三年不御內時節哀痛作孺子泣與兄共居五十年恪遵其教兄卒無子葬皆如禮孝子悌弟洵不愧焉

魏衷字丹宸庠生父觀顛爲諸生遊學滇南陷吳逆中十年音書阻隔舉家憂憫衷佯嬉笑慰母背輒飲泣迨父歸家母歿哀毀骨立父患痰鬱臥床兩月侍疾衣不解帶夜靜籲天願以身代父患初平而衷因勞瘁委頓將死握其次兄手曰弟不孝不能終事親今死矣願兩兄善侍老父言罷大慟而卒衷素性醇謹尤精舉子業既歿邑人哀之

單溥邑庠生天性孝友母患癱臥床不起湯藥飲食必躬親不離左右者凡七年有兄不治生分產蕩盡溥以己田給之復蕩盡死遺幼姪撫若己子歲飢出粟百餘石分濟隣族賴以全活者甚衆

萬烜十歲喪母哀毀如成人事繼母劉克盡孝道劉卒遺所生子方幼烜夫婦

保護成人深相友愛著式好集劉父鍾奇老無子羈京師灶迎歸爲納妾舉一子復延師教之成立

蔣桂昌者義民也桂昌未育時父先有養子曰蘭昌桂昌長待之如親兄其庶母弟克昌實嫉之桂昌察其情分地三十畝令自爲爨又念地少不足以贍俾勿蓄牛驢值耕穫皆代爲之歲以爲常蘭昌有女將嫁粧奩悉爲置辦蘭昌卒復備棺殮葬

劉廣生庠生好善樂施見推鄉黨少失母依祖母成立事繼母高不啻所生撫弟洪烈友愛備至祖母老病廣生奉養惟謹湯藥必躬親未嘗假手僕婢人稱其孝友無虧督學蔡公旌其祖母曰閭門儀型

朱景嵩與弟景華郡增生性孝友父母亡時兄弟俱幼依祖母成人家無口糧祖母年老不能具食兄弟忍飢採薪爲生每日赴市賣薪必先買餅肉奉養祖母兄十五聘葉氏而賢祖母病臥床三年衣不解帶每進湯藥必先親嘗祖母不食景嵩兄弟亦不食祖母卒嵩兄弟不飲茹酒葷者三年逢時節哀

## 太康縣志

卷十 人物傳下

二八

痛如孺子泣其弟漸長聘何氏亦克盡婦道兄弟同居共爨垂八十餘年吳應嵩字中山恩貢生天性友愛篤於倫誼幼失恃事繼母尤謹兄弟析箸後念弟食指多將已田三頃宅一區與之後因長姪家口衆又與地一頃里黨稱盛德焉選桐柏教諭以年老辭不就職壽八十六歲

楊玉鐸貢生性孝友親病晨昏侍湯藥弗懈歿盡喪禮葬廬墓側生平好施見婚喪不能舉者助以財有素好隣人家中落欠金兩千餘兩未償輒焚其券嘉慶癸酉歲飢周急隣里不可枚舉并助賑輸粟三百石邑侯高匾獎復捐絃歌書院膏火銀二千兩太守李匾獎庚辰歲試八學生貢陳民徐梁裕等呈請督學盧匾給義澤延禧道光丙戌邑侯戴以洛社耆英額其廬壽七十九卒子持衡生員克繼父志嘗輸義學志局經費共五百金

楊秉衡字鑑昭祖宏菴父肅公世有隱德衡少孤母賈氏以節著值歲飢秉衡散穀四百石以甦飢民修河建橋捐貲累千金婚喪不能舉者助之稱貸不能償者取券焚之延師於家一方貧士多賴成就子五武魁清魁舉人餘俱

列成均道光戊子修邑乘建義塾武魁復捐錢三百千

李昌齡字夢九增貢生天性孝友裕於財積而能散兄弟二人析烟後置祭田三十餘畝凡婚葬不能成禮者悉助力之設家塾戚族子弟咸來就學淮邑陳秉乾等荷其成就入邑庠至今猶嘖嘖弗衰負其債者積至數千金囑子焚其券卒年五十一子益之太學生克承父志有宗人廣寒家貧衣食之且助以膏火俾盡心儒業尋入庠更爲成室捐五里口市房十三間入義學永爲肄業之所輸義學志局三百金父子濟美鄉評重之

韓從龍字霞光由武庠捐衛千總歷年授生徒貧富俱不受修脯且給以弓馬門下多所成就乾隆五十一年施穀濟貧數月嘉慶十八年歲飢助振捐穀五十石道光元年歲大疫施藥餌貧不斂葬者給棺木見義必行饒有古風以長子允升仕覃恩誥封徵仕郎允升初署泰安通判嘉慶十八年咨授濮州州判時教匪滋事率鄉勇守城歷署定陶武城荷澤等縣有惠政次子俊升捐義學修志經費錢三百千

## 太康縣志

卷十 人物傳下

二九

苑如淳字存樸衛守備通經書諳韜略品正行端慷慨好義隣有負債三千餘金悉焚券不問好成人美設武學三十載給弓馬資膏火贍費無算如武舉劉魁龍武生孔傳洛等皆所成就壽六十子瀛州生員守家訓有父風弟如泗千總亦設武學三十年成就數十人嘉慶十八年助賑穀百石邑侯高匾獎

劉郇膏字松巖道光丁未進士以知縣分發江蘇歷署婁縣嘉定值洪楊起事東南震驚郇膏撫民保土疊著勳績知上海縣以一身關係東南全局民呼劉青天累官江蘇巡撫同治五年丁內艱歸以哀毀卒贈右都御史入祀蘇州名宦暨本縣鄉賢祠前知洛陽縣事路璜傳之曰同治五年十二月二十日前護理江蘇巡撫布政使太康劉公卒於家適江督師駐周口請於朝從優卹特旨追贈右都御史廕子一官甚盛典也余時宰淮甯與太接壤夙聞公善政循獻藉甚江南惜未親炙爲憾是年公奉母諱歸里走訪余雖一夕之談其豐采言論卓然古大臣風竟以哀毀過促其年慨哲人之云亡悵蒼

生之無福也辛巳歲余息影梁垣公家祠郵寄公行略乞爲傳記余在淮聞公耗得異夢似隱以身後事相屬棖觸於中十餘年弗敢忘茲承屬雖不文曷辭按公以科第出爲縣令躋監司權節鉞其公忠體國學道愛人才兼常變宏濟艱難者已備載所撰行述中綜舉生平大端其震人耳目以興水利搜夷船捍危城遏狂寇減田賦數者爲蘇民衢歌菴祝青天之稱上達震聽其他崇節儉以挽浮囂捐廉俸以倡學校設養局以卹孤嫠練團勇嚴保甲以內修而外攘無非洞悉本原綜核名實下以蘇民生上以培國脈苦心經營實事求是能使疲者舉靡者興浮者裁餒者充吹枯噓朽黜華歸樸殆數十年如一日承賢母程太夫人廉介之訓迎養上海逆氛四逼勗以大義有與城存亡之戒識者謂非此母不生此子惟此子不愧此母忠孝一門近今罕覩於署撫篆時太夫人棄養擗踊重趼冒險扶櫬歸葬致敬盡禮方冀釋服入覲疆寄重膺康濟斯民爲時大用遽以積勞病故大星忽隕雲黯芒寒砥柱旣傾河嶽改色蓋不獨爲江左惜賢良實爲朝廷失重臣也公以司牧

## 太康縣志

卷十 人物傳下

三

起家洊陟藩撫經危疑震撼之交嘗艱難險阻之境遇合旣隆上下交孚雖遽損年華未盡發抒身後膺崇褒備哀榮豈不光照史冊馨香百世也哉烏呼偉矣爰撮筆傳其崖略以示觀法至其勳名位望詳諸家乘載在國史不煩覲縷云

劉果字毅夫郇膏子幼孤母楊督家嚴果刻苦自勵勤學如寒士少年成進士授禮部主事洊升右丞典禮院副掌院在部恪共職守與上下無亢無卑滿漢同署咸心折焉庚子之變扈駕西巡時曹散檔失果一人總理部務事無巨細典章秩然諸大臣服其才學推爲當時文獻持身廉正不少染脂韋氣典禮所關必力爭卒以鐵路國有事與當道議不合旋玉步旣更遂挂冠歸典禮院學士易貞作劉果傳云君諱果字毅夫一字紹嚴陳州太康人先世由山西遷河南好行其德厚積而光流至總憲公族逾大總憲公諱郇膏以進士知上海縣咸同間樹功進階載於史冊屏翰江左流譽南邦官至江蘇巡撫薨贈右都御史生丈夫子二君爲嫡長生十二歲而孤楊太夫人督家

嚴君亦能自刻厲癸酉年十八遂冠童子軍內子登賢書丙戌成進士補禮部主事舊例科道吏禮四衙門專用正途出身惟旗員得以筆貼式入焉時國家繁富物力充物諸大典不數年一舉行部雖閒曹得兼太常司樂部四譯館鴻臚寺諸務暨朝廷各典禮文儀備滿蒙番漢執其事賞賚既厚而超擢尤優然在漢員則爲冷廳而在滿員則爲捷徑凡供奔走列名以上半皆王公世爵內大臣諸任子弟年未勝戴冠童駿昏稚裘馬翩然入署而辟噓或手稿而指詢之則目瞠也君虛輿委蛇無亢無卑知者獎借之否者誘掖開導之故咸心折贊君不絕口禮部有賜田若干頃昉自雍正年間歷久而侵佔偷漏之弊叢時奉命檢覈啓侍郎秀意有所袒君持之力啓乃獨奏以上君不爲動也君凡恭逢萬壽盛典者二大婚典禮者一充會試提調者一兼會典館校對編纂者各一調學部行走充憲政編查館修訂法律館各諮議官游提員外升郎中京察一等記名道府旋擢右丞改典禮院學士署副掌院學士君始終禮官朝夕乾惕如含瓦石而以隨扈秦中尤著勞勩當是

## 太康縣志

### 卷十 人物傳下

三一

時兩宮倉卒西幸芟棘闢草公私剝地赤立部中檔冊多存京署而儀制司曹奔赴行在寥寥不數人君以一身承其乏据舊徵新拾殘補漏自庚子秋迄辛丑夏時逾半載毫無叢脞大宗伯鹿文端浦公良陸傅相潤庠先後咸資倚重明詔開經濟特科陸即以君應命而君猶謙讓不赴也當議改官制之時有謂宜裁禮部專立學部者凡舊衙與新衙其俸祿之肥瘠陞遷之速滯判若天淵君之甫調學部聞有點竄四子書刪改五經之議掩耳疾走時管部者爲榮相國慶君丙戌同年也使君肯少貶其節亦何至投閒置散終其身不出一守舊衙門耶方項城之柄用也豫人望塵逐影如翔禽之集木巨魚之縱大壑南皮張中丞曾敷嘗謂予曰聞公獨不曳裾馬季常之門信乎予曰如僕何足道今有一人與同州郡又兼咽<sub>咽</sub>媪乃竟不肯爲脂韋者公知之乎張問爲誰予曰即禮部右丞劉君名果者也張應曰唯爲首背者再當路政肇興豫中紳學商工各知與不知無不望屬於公函電交馳君辭不得已而後任路事有同鄉某以富商大董首入巨資以爲衆集股之倡君亦

以爲事或可底於成也手總大綱爬煩撮碎約同志者分任其勞君旣解職歸專心路事突然敢歸國有之命自天而下君斷斷往復若口以爭不意入室操戈自相矛盾者乃即前此首請入股之富商某也君所謂憤懣抑鬱氣結於中而不釋然者誰執其咎耶顧予竊觀當今稗政若郵傳部交通部中國銀行稅務司電礦煤油鐵炭各公司以及火輪鐵路各要公皆爲叢利之藪任其事者無不蘊孽而厚藏一旦遇有大改革則各纂巨資蓆捲以去雖虧擲公款千數百萬而當道亦莫之誰何者往往而然君獨潔身以歸不染一指抑亦可以謝責於兩河士庶而爲天下後世所共見此心者矣至於君一生忠孝大節庸行之常劉氏子若孫自能世世傳之茲不復具

李濬字又哲號秋圃歲貢生端凝性成自幼學已屹然若老成人早年入庠食餼文名馳一郡爲學不囿帖括務求古人明體達用之要奉先儒先正理學宗傳爲矩矱端品飭行本未兼賅時陳郡知名士如淮寧賈堃增郝韶景項城王桂張菱塘西華于錦堂同邑劉郇膏皆與訂交值捻匪之亂以學術

## 太康縣志

### 卷十 人物傳下

三二

爲經濟籌團籌防留心時務歷見知於邑令祝團練大使毛河南大中丞張之萬嚴渭春及嚴公幕賓方宗誠學使景以學品兼優疏薦特旨以訓導用巡撫李鶴年復奏請加內閣典籍銜思大用之濬自以才短堅辭蒞嵩縣訓導卒於學署生平事親孝親歿家產悉付兩弟自以硯耕湖口一時邑名士多出其門其從遊久而獲益深者如馮全友朱慶雲輩類能奉其家學訓化一方所著秋圃齋文集已梓行國史館採登捻匪紀略一編未梓民國十二年河南省長張呈請入祠鄉賢桐城方宗誠表其墓云咸豐十一年春予客豫撫嚴公幕時兵事方殷勸公以求才籌餉練兵綏內攘外命題策士以通輿人之言亦藉以觀其蘊得一卷不署名其文通達精實有體要訪之知爲太康歲貢李君之文也幕府皆驚爲積學異才然君生平足跡不入官府予乃親詣其學舍與談果有學守君子也因請君文集盡讀之曉暢時事深識政體敘事凜然有生氣北方人文蓋無有與爲比並者然君虛懷不自足昕夕好學靡間得予文往往手錄多至數千萬言蓋君雖困於諸生無所設施

其在里中於勸農桑免雜派設守禦採訪忠節凡有益於民生國計者知無不言爲無不力然義所當行不避難而非道所當取則尤不以毫髮爲苟且其在於家以已產讓於弟而自授經以養妻子師喪不能葬鬻田濟之爲文表其墓道故舊子弟貧無以自立者資之耕讀多所成就其爲人師口講指授不倦於勤而尤以重道義輕貨財崇節儉慎出處爲要其後爲學官亦然生平無僞言僞行故一時賢者往往喜從之遊予亦藉君得盡交當時賢士河南學使景公訪予以中州碩儒予以君及鄆陵蘇菊邨源生西華于綱齋錦堂應景公疏薦奉特旨俱以訓導用同治五年二月選授君嵩縣訓導士心悅服八年巡撫李公奏請賞加內閣典籍銜予與君交一年別去客湘鄉曾相國所同治四年君應署江蘇巡撫劉公聘至江蘇登焦山而去予遊焦山止一二日竟不得相遇君以書告予兩相悵惘者久之旣而君去江蘇爲學官予爲曾相國奏調來直隸音問不相聞者數年十年冬予令棗強忽得君長公子書乃知君以正月二十二日卒於學署矣距生於嘉慶十八年年

## 太康縣志

### 卷十 人物傳下

三三

六十歲君名濬字又哲一字秋圃妻宋氏子四人其所著秋圃文集五卷摠匪記略若干卷君教澤在人門弟子將爲刊行其文子選樓宣樓星樓京樓以予知君文最深屬爲文表其墓君之文必傳無疑後世當有知君者特叙其學行大略以泐於石同治十一年二月桐城方誠宗表

張可大嘉慶甲子副貢剛介果毅足跡不履公庭邑侯某欲一見卒不可得後任獲嘉縣教諭尤以禮自處師嚴道尊居常喜汲引後進正襟危坐談古今事娓娓千百言不倦卒後劉郇膏爲文表其墓

李鎬原名光炎增生性恬退沈潛不履城市硯田自給中年後絕意科名專精著述於四子書尤有領會章解句釋手訂成冊於朱註不泥不背一生心血畢萃是書是毅然羽翼經傳者

楊民安字純修歲貢生砥節礪行專以四書五經及五子近思錄教授生徒不斤斤於時藝故門下多知名士著有四知堂塾課草行世學庸辨疑詩文集家藏待梓子六人作舟歲貢作賓舉人作梅作楨俱增生作孚作敬俱庠生

一門科第爲邑美談

韓金殿字聖臨明烈士魏裔也幼貧隨父業泥工慕讀書人既長始得入塾目數行下師偉之逾數年入庠食餼舌耕贍家嗣肄業大梁書院同齋稔其性敏故取班孟堅兩都賦令三遍成誦醵筵爲賀讀訖背誦不訛一字合齋佩服登嘉慶戊寅科賢書道光八年重修邑志充編輯員

韓嵩金殿孫邑庠生咸豐八年避捻匪至呂潭被擄罵賊不屈死附烈士祠邑貢生李濬爲文勒石記之

符道明字本立歲貢生學問博洽詩文書法冠一方得者寶之道光八年充修志採訪員設帳於家負笈者越境至淮陽舉人于雲衢恩貢于雲驥歲貢于雲鵬皆出其門子文麟恩貢

朱映離字瑞廷南朱寨人增生性行端謹不苟合於世居父母喪徙倚墓側不茹酒者三年家貧力學終日無情容教授生徒循先正遺規晚歲博綜羣書潛心理窟生平不干預公事咸豐元年卒壽七十六歲著養真錄藏於家

太康縣志

卷十 人物傳下

二四

程昌嶺字峻起綺歲即名噪藝林入庠食餼試每冠軍其試卷家塾中多鈔版作楷模每郡縣考門下獲雋者多至六七名中咸豐辛亥副榜次子瀛濱邑廩生亦有文名

李云泮字采芹世居撞莊寨道光壬午科舉人部選內鄉縣教諭嘗纂修淮陽縣志分修本縣縣志子官璽附貢部選滑縣訓導創建本寨董修族譜爲梓里所重

楊紹先父木釋平生好義舉紹先與弟繼先能繼父志於道光八年捐五百餘金助修書院講堂縣令爲文泐石記之

朱汝貴字輔清道光辛卯武舉糾衆濬白洋溝減一方水患倡議建中和寨并籌防守策以禦捻匪鄉里賴之居鄉避名勢訓家守耕讀有厚德焉後以守寨禦匪功援忠節局例蒙獎世職雲騎尉子偉行三承襲四子乾以院試第一入膠庠孫扛鼎以府案元入武庠

王平源監生住楊廟地方道光時兩次河決出粟賑經困民經陳州府尹馮光

奎太康縣令高崧同贈聞善先喜匾額弟清源監生捐貲三百六十千修大新溝四至橋此橋當睢陳通衢至今猶頌其功

王化周字恩普道光年間河決田廬蕩然偕一兄兩弟力農業起家小康延師教侄讀書太史新禎附貢生新泰皆賴以成名化周服務地方人咸德之卒年六十有五闔鄉鐫碑紀念之泰安內閣侍讀學士安維峻表其墓

武雲龍字作霖咸豐辛亥科舉人幼慧敏年十三即入庠旋食廩餼學使閱呈卷稔其學行歲試陳郡道經邑境欲一見而不可得邑名士如王幹臣朱啓運俱蒙陶成因辦團練功選授杞縣教諭未到任卒凡所著作雖微細應酬必借以發明正學俾有關於人心世道弟見龍庠生舉孝廉方正任福建照磨子光鼎光燾光正俱庠生光燾性孝友事繼母張孺人如生母異母弟光三身親教誨得入邑庠

李超英字越凡恩貢生學術純正不染時趨教授生徒以小學近思錄爲四子五經之階梯不斤斤於制藝故門下多學行純篤之士咸同間捻匪擾太康

## 太康縣志

卷十 人物傳下

三五

縣令祝公諭辦團練城東十八寨推爲總練長採訪忠節切實無遺漏年逾八旬先儒格言語錄等猶手不釋卷孫方義歲貢生

張耕心字性淵咸豐辛酉拔貢同治癸酉舉人天性孝友以聖賢自期許教人以孫夏峯暨諸先儒語錄爲主處家以朱柏廬格言爲依工翰墨爲世所珍卒年三十九歲美志未遂惜哉

劉丕吉字允計同治丁卯舉人其生平學問以敦倫立品爲先咸同間捻匪爲亂竭力辦團練一方賴之子方昂歲貢

姜五德字維馨邑增生咸豐四年邑令祝籌練鄉團鄉民多未喻相率嘩然五德躬赴鄉里曉譬利害炎暑汗背不辭勞瘁不避謗讟邑西終賴以安後卒於礮震邑侯深悼之教諭龐建本爲之傳

張維新恩貢十三歲父患瘵症臥床不起乃移書案於內湯藥飲食必躬親得間仍讀書不離左右者四年父歿哀毀盡禮後以食指漸繁兄弟有言析居者仍引古人勸慰之教人以敦本爲先及門之士莫不先授孝經

劉雲鵬字志萬廩貢生成豐初皖匪孔棘倡首修寨經營四載工始竣屹然爲一方保障邑令祝耳其名委辦鄉團任勞任怨人言不恤嗣巡撫慶賞給六品銜歷署汝寧教授薪安訓導子二長鼎三庠生次升三附貢

郭孝承字繼光太學生城內人性慷慨急公益本縣修理鬻官書院防疫賑災各義舉均承首倡後以河決運料請欵放振積勞卒

王先泰字兆興監生捻匪之亂出白金千餘兩充寨工五載告竣環寨各村胥賴以安居恒惜老憐貧多所拯救卒時聞者墮淚

陳祿興字鎮宇幼貧投軍伍後從僧邸帥勦匪累著奇績以軍功誥授武顯將軍補用總兵委署歸德鎮標會亭營參將年老家居村近老塚寨購軍械以資防守憐普育兩堂貧民厚加調卹陳高二賢祠傾圮獨立重修當告歸之時計墊發勇糧三萬五千有奇事聞於朝奉部議准加太康文武學額名二名邑令題揆文奮武匾額增之

王文明住秋崗地方咸豐間以籌辦鄉團獎七品軍功六年正月二十八日在

## 太康縣志

### 卷十 人物傳下

三六

建中店督團擊賊陣亡蒙旌准入本縣忠義祠

王九苞監生住馬屯寨咸豐八年捻匪竄境及其寨寨初成人無固志九苞揮家人俾逃去獨踞門坐賊至欲肆掠九苞以好言勸之繼明理責之均不聽遂罵賊死一方痛惜之

朱慶雲邑庠生世居鄧禹台家貧力學受業鄉賢李又哲之門年最久聞中州先儒淵源甚悉故學有根柢其訓生徒云生當明忠孝作骨以剛大養氣以居心行事驗學問以處困臨時見操執在塾講經正襟危坐指畫親切務將聖賢言論引歸學者皇心實地爲文深厚真切有理法士林傾服父倫明以孝友稱宗鄉慶雲克承家風事親貧而盡懽姪尙友少孤身施教誥成兩縣諸生從侄某貧不能婚復竭力成之子撰卿幼承庭訓成童入庠舉人會考一等分發陝西補用知縣其卒也大理院推事永新顧紹鈞誌其壙邑大史

### 王新禎表其墓

張毓琦字亦韓監庫使鴻賓子幼隨祖父之天津納貲入太學十六歲應北闈

即領房荐後應本省鄉試屢薦未售繼母卒遺弟毓琛甫六歲長兄歿孤姪之畧生四歲親老家貧琦惟恃筆耕奉親甘旨無缺喪葬備禮撫弱弟幼侄二十年如一日毓深登乙酉科選拔姪之畧堂應時俱入邑庠皆琦教也設帳五十載門下成材尤多性直爽工吟咏積稿甚夥藏於家毓深克守兄訓持躬修整拔萃後甄硯寢饋城居終身不履公門講經課藝剖析入微尤能勗以實踐故成就多知名士琛子家驥附生

朱文麟字啓運光緒乙酉科舉人家貧積學寒暑無間年未弱冠即入庠食餼試輒冠軍文名藉甚邑儒學劉粹夫閱其課藝擊節嘆賞稱爲翰苑品器中式後五試春官皆房薦竟不第居家設教一經陶鎔類作佳士巡撫吳仲師時守陳敦聘教其子弟吳豐吳岫皆執贄焉祥符沈大令聘主講習又歷充柳湖大程太邱等書院山長南汝光道署師範學校監學子二言颺監生賡颺庠生孫晉卿庠生

何三省字効曾以廩貢舉孝廉方正朝考教職歷署長葛滑縣南陽南召教諭

## 太康縣志

### 卷十 人物傳下

三七

許州偃師息縣訓導汝甯教授光州學正幼貧苦從事舌耕殷勤訓誨諸生感孚以濂洛風規匾額旌其門

李欽明字文思廩膳生性孝友舉止端嚴淹通經史作文規仿名家不蹈恒蹊常受業程道州劉粹夫之門食餼後澹於科名閉門讀書專以訓子弟爲事四方聞風遠來多蒙成就邑孝廉陳開基從學最久者也弟欽中從九品欽錫暨子湛銓均明經

軒冕宇馨遠廩貢生淹通六經尤邃於易每逢課歲試其徒亦多以易經解取古入庠所著易經解河洛圖書解學者多有傳鈔未梓

尙步瀛字還初歲貢生敦孝友工時藝鄉試屢薦不中其學術極欽佩孫夏峯故尊程朱而駁陸王教人以實行爲先門弟子蜚聲庠序者以百數著有榆園文鈔家藏待梓

李醇字澤躬歲貢生設帳垂五十年始終不倦成就極多如張毓琛耿振翼周鼎李國權皆以拔萃顯晚年學養益粹持守廉正人不敢以非義干弟醞字

厚躬廩生敦品勵行好讀道學語錄諸書年二十七卒人皆惜之昆仲行誼有邑太史王新禎所作傳醞子鶴山少孤伯父醇身親教誨山幼即知學早歲食廩餼列優行居恒恪承家學奉母克孝端謹自善以先正爲楷模歷充陳州中學校及本縣各校國文教員所作詩文家有藏稿十五年六月城破父子三人均陷匪中家本寒素迨贖回債重心煩又傷時局憂鬱而卒邑舉人朱撰卿爲傳其行

陳治體字中和廩貢以軍功得選歷署正陽鞏縣滎澤汲縣溫縣魯山桐柏唐縣西平九縣訓導性果毅遇事任敢光緒二十一年暨二十四年縣境連遭蟲水重災倡議請緩征及賑濟凡政有不便民者輒與縣官侃侃爭論必得所請而後已嘗曰寧爲杜密不爲劉勝鄉里以見義勇爲旌其門

鄭金鐸字從文歲貢生少孤貧事孀母曲體親心待弱弟事事周至學有根柢教授生徒有貧苦好學之士輒却其贄邑中名士如陳治體何三省張聖典李醇等皆出其門其餘入庠食餼者百餘人蒙師許某老貧嘗有餽遺歿時

## 太康縣志

卷十 人物傳下

三八

身任殮葬子藻德增生滌德附生均設教及門游泮者數十人

陳開基字培初光緒丁酉舉人穎悟非常書寓目輒記作文不假思索揮毫立就聰明殆天授也兩試春官不第人皆惜之

耿振翼字勵臣幼穎慧未弱冠即補博士弟子早歲食廩餼丁酉成選拔設教課徒多所成就居恒不近公門不矜聲勢鄉里敬之

李景樂廩生幼孤侍母病數月衣不解帶母歿每食必祭家居過北而墓在河南葬後時至墓所旋繞而哭或值大雨則頭頂蘆蓆涉河往覆蔽母墓人以爲純孝早年入庠食餼文名甚藉年三十二病故邑太史王新禎爲之傳

魏盈科字進齋庠生世居魏寨其學先行後文事雙親色養備至親歿喪葬如禮廬墓三年中年喪妻以有子不再娶設帳授徒立留餘堂學規十勸督功課十戒懲嬉遊旋肄業明光書院所學益進晚年尤服膺胡敬齋居業錄涵泳體驗與淮陽魏鼎孫立亭爲道義交

孟琳字國光確山教諭皖匪入境邑令素知琳委辨守禦相與堅守三日城得

無虞僧王嘉其績賜以金帛在任四年致仕士民頌德爲勒去思碑

丁仁廣監生成豐八年捐資四百串磚三萬塊修朱口寨光緒三年將累歲積穀三百石開放賑飢又於朱口東門內修磚橋一座地方紳董以義行特著呈縣轉請旌表

謝鑫居槐寺光緒三年歲大歉以所積穀二百石振濟貧民光緒十三年過河決老龍窩口又輸錢一千串飯築隄者工始告竣

尹際龍監生性東敢咸豐末年皖匪寇太康際龍率鄉勇五百餘人同邑令祝公在朱口屢與賊戰又糾合百餘村倡修永安寨以備守禦賊不能犯時值車馬政煩復偕紳建立車馬總局經理十餘年人稱公正

馬明遠慷慨好義捻匪之亂率鄉勇助官兵勦匪以功得藍翎頂戴儘先把總平日熱念益鄉人感戴

高如殿聖府齋奏急公好義光緒三年大飢開倉放賑十三年黃河鄭工捐錢數百千二十二年春麥苗虫蝕捐賑銀一百兩二十四年水災捐錢二百千

## 太康縣志

卷十 人物傳下

三九

又每年冬捨飯捨衣鄉里公送樂善好施匾額子金貴克繼厥志至今鄉邑尙稱爲高善人家

趙運振監生性至孝長於外科遐邇著名問病者家富則給方貧者兼給藥從不索值鄉里德之以岐黃薪傳額其門性好施一生因施濟事典出地頃餘其祖宏典曾施闔族祭田十四畝嗣被族人侵佔子生員慮九將地追出捐充教育款產

袁柳字鑑塘附貢試用訓導平生多義舉同治二年幫辦稅契十年監修龔宮著有成績光緒元年省委賈來縣籌賑捐錢一百六十串四年本城天寧寺設粥廠施菘豆十餘石其餘善事不勝枚舉

石凌雲字青霄廬生值皖匪之亂捐貲修寨竭力督工同治五年五月捻匪突來寨中男女有被裹脅者輒出銀錢驟馬贖出之自奉極儉至賑貧賻喪諸善事則傾資不吝鄉閭公建德行碑以彰之子獻廷亦有父風係清雋

王維之字超羣太學生幼從朱孝廉文麟學有**所得性喜施濟於光緒三年在**

西關十方院捐貲補賑縣令孔匾獎恤災施惠家中常製日蝕月蝕丸醫活  
噎隔險症無算至今其家猶繼續施舍又常設義學培養人才教諭吳東鼎  
手書崇儒重義四字以旌其廬子銘鈞廩膳生

程元龍宣統三年冬十月黃道會匪起元龍出首聯合隣村爲防禦匪至拒戰  
被害蒙河南都督張旌表義烈可風匾額邑令趙奉省批撰文建碑以紀其  
功并查隨同死事二十二人依次鐫列開會追悼由公欸具備祭儀縣政府  
委員致祭同死者爲程維欽程耀菴程孟殿程維新程慎暮牛復興程老虎  
馬黑妮程勉盤姚妞程振河等

王新禎字楷庭八世祖爲湖廣學政輔運父祖安農新禎天姿英敏早年入庠  
補廩膳儒學劉粹夫深器之遂羅門下與睢州三白及本邑尚步瀛朱文麟  
異年齊名旋以優廩拔萃科中試第三名舉人主講項城書院夏默齋余棣  
堂諸名士皆引爲知交項城高釗中視學湖北延聘襄閱光緒丙戌成進士  
改翰林院庶吉士散館歸工部選授陝西雒南知縣歷任月餘丁內艱陝撫

## 太康縣志

### 卷十 人物傳下

#### 四

知其學守延辨文案兼教讀起復委辦厘局又丁嗣母憂服闋歸原省歷奉  
差委循分盡職雖備極艱辛處之泰如也庚子鑾輿西狩鹿尚書傳霖隨扈  
赴陝延課其子回馭過汴屬隨扈辦餉差壬寅十月署理澄城縣勤撫字興  
文教癸卯山陝合闈充山西同考官薦拔多知名士闈後委鳳翔釐局以廉  
介受知陝撫升公旋補吳堡升公陞陝甘總督新禎過班道員相隨抵甘歷  
委巨差宣統元年任甘肅提學使二年交卸委陸軍學堂通志局各要差旋  
考試法官委法闡提調時正考官爲同鄉李御史子襄關中詩唱和哀印成  
冊三年冬復委署提學使鼎革後束裝歸里時同寅走相語曰王觀察此去  
人文具傳矣旣歸足跡不出里門隱居自樂壽八十二卒新禎爲學恪遵程  
朱在甘與秦安安曉峰白五齋趙汝篤交最深生平慕歐陽文忠爲人故自  
號兩一子乘輿在陝時曾竭誠抗疏指陳時事一無規避見文稿生平著作  
甚富皆未梓子峻然甘肅礦業學校畢業

民國

軒轅敦厚字崇禮邑庠生天資英睿民國十六年三月股匪擾邑西薄其居軒堂寨時避難來者數十村人敦厚膺寨長誓以死守賊偵寨中豐竭力攻撲敦厚慷慨指揮身先衆人遂遇害寨門下衆益憤人不顧身斃匪數十人寨卒保全

圭龍驤字巨卿善屬文每製出人爭錄誦之歷充縣公私立高初級小學教員及校長三十餘年所至多成就宣統間以辦理縣前地方初級小學成績獨優奉省令改爲全縣模範小學本縣教育改良龍驤有力焉手創淑毅女校女子高小校尤爲女子教育先聲宣統三年加入同盟會民國建元入國民黨宣傳革命主義亦極努力十五年城破被執不屈死人皆痛惜之著有玉在堂文集

張祥麟中區太平崗人咸豐三年投效江蘇上海軍營累功昇提右營候補千總以守備升用署理吳淞營千總因赴前敵陣亡經忠義局蘇撫李會奏請卹蒙准給獎世職雲騎尉

## 太康縣志

卷十 人物傳下

四一

郭五紀東區郭寨人武庠生富而仗義嘉慶己丑河決爲災施穀百石以濟貧民族人郭彤家貧失學助之貲俾業武藝後中武解元年四十無子買妾初來詢知爲友人女因撫爲己女擇士人嫁人咸豐時捻匪作亂遂創設鄉團同賈太禎竭力防禦一方得無恙

王化勳第二區王坡人例貢生性敦厚幼嗜讀遭捻匪亂未嘗廢學以縣試案元入邑庠父及叔父皆早世身經家政上事重慈左右奉養無方叔父遺孤甫數齡而瞽化勳念其母子艱惻乃終身不談分爨事母弟化勃亦能承化勳意輯睦無勃谿子者貴童年入庠四方之士附王氏家塾成名者甚多鄉里重之

張自強西區人清例贈修職郎候選儒學訓導值捻匪之亂倡義修寨公推爲二十一寨總寨長守禦有方賊不得逞鄉里重之贈以林宗雅望匾額張書升字掄秀芝蘭鄉擷華村人幼喜讀書而場屋蹭蹬乃壹志課教子孫子夢松未冠入庠食餼孫森禎畢業北京高等師範歷充本省第一師範校長

河南大學史學教授苦心贊研造述湛精永嘉劉子植於學不輕許可人嘗曰邃青之史自是中原一奇邃青森禎字也書升雖子孫騰昂然性冲和取予不苟有堪輿師梁國印由數百里外來依去時出重金爲託比數歲梁返出金付之封識宛然邑令葉濟甚敬禮之恒以地方要公相付書升輒以授徒無暇辭卒年七十餘

馮全友北區葛崗人生員咸同間皖匪竄豫捐貲倡修寨堡遠近賴之同治初甲兵已洗各縣有司仍以硝磺麩料長車諸項賦民百姓苦之全友赴省申訴中丞允予飭免全友始師邑名宿李又哲深獲其益又哲歿諸子困於生計全友盡力籌措使食宿無失任倉正實心仕事積粟數百石光緒三四年歲大饑開倉賑濟人沾實惠子東方

孫泮錦東北區孫橋人國學生性仁厚有家法恒舉先正格言以訓子弟歲設塾延師招里黨附學裨甚寒土母出貲傾助貧民使營生業清光緒三年歲大饑泮錦出粟數百石召里人謂有願以田易粟者俾各署券持粟去得田

## 太康縣志

卷十 人物傳下

四一

六百一十餘畝明年歲稔復召之來出券焚之鄉里高其義乞杞縣常解元三省爲文劓之于碑子二來顯來崇來崇素俠義民國庚午卒于兵隣里請長葛舉人張星蔚勒碑表之

王應陞任第二區區副團長民國二十一年春股匪劉老七桿梭巡縣境七八次焚殺擄掠殘暴異常應陞恨匪入骨誓不兩立是年十一月間民團會保安隊往勦之戰于灣子橋賊衆兵寡團隊力盡彈絕陣亡目兵二十一名應陞同時遇害當蒙民政廳題給忠勇可風匾額

褚繪龍以恩貢就職直隸州判不獲出仕以教讀爲業成就人才頗多有桃李滿門之盛生徒捐資勒石以垂不朽

## 卓行彙傳

明

孝友

江泰

幼孤孝事孀母殆

陳智

幼孤母孟氏守節撫孤依祖母成立

徐舜耕

文行誼有聲於時在宗族拊循卑幼因材施教

義行

王相

因邊警輸銀五百兩  
李紘 捐學田三百三十畝  
師尚詔反捐餉

張四維

萬歷時陳州饑輸粟一千石  
立坊 郭清 萬歷舉人  
明曾疏請築堡清野人

服其先見

楊體文

國學生天啓二年歲歉助賑  
巡撫馮匾獎 劉心乾 崇禎十一年

聚為盜

乾輸粟五百石

銀一千兩呈請築堡兩  
郭進儀 邑庠生輸粟二百石

兩臺

張士賢

隣人谷某赴羅亡其金一家號泣  
欲 郭文登 歲飢捐賑修城

嘉准

王協帝

樂道不仕歸隱設教成  
賜義官 王協帝 就生徒甚眾以講學終

崇禎壬午三月十九日闖賊破城以義烈著者有王來選

與子體乾俱邑庠生

乾妻張氏並罵

郭明興

萬歷甲子科舉人授陝西臨  
袁九章 舉人署鹿邑教

居遇寇被殺

孫瑜璇

舉人 程鵬化 守人闖兵圍城死  
孫猷策 舉人 聶毓白 貢 郭武

勇死戰被殺

郭雲興

監生 曾省三 投井死以 王發祥 解死 支 王朝唐 璇子 駱 賊 姬履貞

同妻席氏

姬履順

刺賊被 耿秉彝 府增生守父 樞 賊 發 郭進宗 素剛強負氣

鎗門賊殺死天

郭震

進宗子守東門眾潰猶揮刀 郭士興 增生負氣節守

太康縣志

卷十 人物傳下

四二

同僕王言

郭舉興

庠生博通子史精明醫 郭勃興 舉孝行父病嘗溺讓產

不屈死

其量

有膽略賊入城率眾 師貞 明諸生闖賊至被執誓不絕口 又有

安我國

申貞蘊

王質彬 郭偉興 張澄 程雲翰 陳猷盡 李調

鼎

王爌

王樹采 李茂華 王世則 王榮登 石發祥 許國忠

許其芝

許永吉

許士龍 孟養純 孟冬 邵鎰 萬傑 程雲步

周之翰

杜亮采

張明世 王煥 邵繁祖 朱紹芳 張斗翱 李杜

朋

姬廉

張瀾 張震世 郭榮興 程伯洪 耿觀光 張養浩 陳

翌主

石鐘秀

馬濬 張昱 王翊運 王懋德 顧詔 姬履贄 毛

三異

程貞化

師藩封 張正範 葉楚秀 張駿聲 姬叩 張王獻

陽

王榮章

王榮黨 郭梧 張鍾謙 王震亨 石呈祥 馬呈祥

段鳳彩

孟承三

王榮禎 婁大觀 丁自修 張正謨 顧誥 李碧

尋

王章

師善誘 仝正志 康萬邦 王榮蟾 馮雲閣 朱廷旦

郭燭	毛炳章	程雲翌	張鎔	王榮闈	王景運	石一瓘	王榮闈
申琮	袁克光	張寵翼	郭長明	祝南山	張暹	王祚興	馬呈
瑞	毛詩章	張正己	李慎	王之鵬	宋見采	馬猶龍	申如意
晉鐘岱	李毓秀	王莫禦	郭杰	張悟元	王之麟	褚廣居	陳趨
召	魏光縉	耿爭光	韋明國	劉新桂	張克復	韋明世	王鐘美
郭宜興	王自新	石乾學	王廷猷	陳九疇	王叙基	王述祖	
袁尙勳	王榮閣	朱晉秦	馬賁如	師惟明	劉湛源	王恪	陳元
輔	劉養中	馮復京	朱瑤	李之棟	張鐸	劉溥	石珠光
皓	王丕基	劉養和	馮翌	姜振鷹	張爲珂	馬爲龍	李性忠
李新坤	張道化	張液	康侯	曾其守	秦尙友	<small>同妻女 自焚死</small>	孔尙鯁
李耀	張孟實	張鑛	趙朗	耿鳳鳴	顧銓	孔允昌	李調元
炫	郭悔吉	李雲鵠	李時蕃	郭仁興	李爾禎	李望民	張秉坤
<small>以下 士民</small>	王玉辰	王汝擢	張榮祖	魏祚升	李秀	魏祚益	曾約

太康縣志

卷十 人物傳下

四四

曾純	曾其明	張濂	曾其昌	石毅品	王瑞鳳	李學成	朱羽騰
耿奎光	李培	王國才	王體元	劉養銳	張益	王瑞芝	李開
心	張乾	韓介	吳德光	張恕行	顧惠	張廷翰	李斯知
	張廷炳	唐元	劉范	郭固	石晶	何穎	郭維城
	馬奮鳴	陳					
所見	石一璇	王來榮	晉之載	石可符	李九成	李三臺	李篤
生	耿一樂	褚廣恩	張于	趙悅	雷化鯤	邵鐸	孔貞白

附錄耿帝德闔邑殉難記

壬午三月十九之變乾坤不數有之大變也錦城繡域一時灰燼婦女老稚尸堆血流傷心慘目不忍見聞矣然而網常節義之所在未始不照耀於天地古今間也蓋逆闖之慘烈於黃巢自汝洛繼陷以後處處解體人人寒心或開門迎降或棄城逃走死守捍賊寥寥無幾而我太康獨於陳亡之後誓死力敵兩日間炮火矢石斃賊者不可勝數迨力盡城陷駢首就戮其間闔戶自盡舉家就義子死於父妻死於夫兄弟並裁者蓋幾千萬人矣屠刈數日賊始由睢甯破歸德再由歸德復轉康城然後由康抵汴省城備虞已自多日則我康之守實蔽汴省真不啻睢陽之捍淮南平原之壯河北矣人第見屠戮之極慘動天日抑知城存與存城亡與亡效死之義君民原一體焉是雖一

時之厄實千載之光即謂人人皆忠臣孝子義士節婦可也嗚呼人孰無死以視死於忠孝節義者其輕重為何如也迨朝廷定鼎人始有家白骨滿巷青燐遍野親戚朋友□載而負之葬城東北隅封土建塚樹表立碣以彰忠魂以昭義烈傳之後世永誌不磨余時方幼親罹其慘追念曩事不禁悲痛援筆附記以俟後人之憑弔云

論曰從古忠烈之氣多見於危急存亡之秋板蕩識忠良不目擊而心傷乎夫長吏捐軀以報朝廷子民殞身以效父母分誼固所莫辭大節亦其素詣獨是焚掠之禍既已難言屠殺之慘更堪揮淚嗟哉康城以十萬戶之邑男女不下百萬乃兩日血誠盡付烈燄一夕淪亡幾空城郭今紳衿知而載者不過數家數事至匹夫匹婦商賈羈旅投

縲墜井罵賊自焚千態萬狀不可勝紀我國家旌賢賞善首重獎勵之典倘採詢故老紀論英烈而祀焉將烏鳶白骨之地胥聞歌舞矣

以上明代

### 清至民國十五年

**孝友** **李朗** 歲貢鄉黨稱孝俊秀出 **王贊** 年十六父病篤禱神割 **董廷**  
出藩伯匾獎學優品端 服煎湯和藥父病旋愈

**桂** 廬墓三年 **李文紀** 弟 怡 耕 養 親 得 父 母 權 兄 **王棟彩** 武庠生母早  
每祭必泣侍父疾數十日 怡 一 堂 邑 侯 戴 旌 其 門 弟 基 蕙 同 居 和 好 府

衣不解帶帶邑侯陶匾獎 **王基芷** 庠生事親至孝與弟基蕙同居和好府  
守金公匾旌雙荆並茂邑侯宋為之傳

## 太康縣志

### 卷十 人物傳下

四五

**宋之珩** 業鐵工性至孝母歿每念 **孟化梁** **張士賢** **葛松** **劉桂**  
及輒呼天悲號聞者哀之 廬墓蒙旌 均 陳亮友 割母病

**劉一魁** **李文明** **高麟趾** **李一建** 庠生 廬墓蒙旌 均 **陳亮友** 割母病

和藥病 **劉思麟** 父病憂痛焚香籲天願以 **祝常元** 祭必思敬 **張心愷**  
即愈 身代病憂痛焚香籲天願以 祭必思敬

居喪哀毀不通慶吊 **張應選** 侍母疾以療母疾 **郭春德** 未嘗學問孝  
味必詣墓祭奠 **李慎德** 附生事孀志 **劉功臣** 母歿後身侍父榻左右就

**楊學成** 母病 曲行 必資 背負 **趙運興** 監生 父喪 明晝 夜扶 **王心**  
一 庠生 侍親 疾 湯藥 親嘗 父 母 歿 哀 時會辰 **葛奇勳** **王敬亭** **楊廷**  
毀骨立 兄 弟 五 人 怡 若 嬰 兒 哀 晚 年 喪 明 母 被 匪 架 跪 求 何

**棟** 以上四人均庠生 **張興順** 孝母 事無間 **許金樓** 母被匪架跪求 **何**  
鄉黨共稱孝 張興順 孝母 事無間 許金樓 母被匪架跪求

**廷弼** 附生 母患 癱瘓 服 **張作楷** 附生 侍母 疾 親濯 廁 浴 疾 革 禱 天 祈 代  
事 四 載 晝 夜 不 懈 張作楷 附生 侍母 疾 親濯 廁 浴 疾 革 禱 天 祈 代

案有 **劉朝棟** 從 **孟雲龍** 庠生 均 以 孝 友 **石清澄** 母 陷 火 中 亟 奮 身 發 屋  
陷火內喊人由房頂將母救 **鄭斷先** 奉 母 里 石清澄 母 陷 火 中 亟 奮 身 發 屋

出身被焚死鄉里無不痛惜 **鄭斷先** 奉 母 里 石清澄 母 陷 火 中 亟 奮 身 發 屋

**教澤** **劉題名** 旌為一時名宿邑侯 **劉楷堂** 廩貢士內行克敦授生徒 **孟**  
多所成就 **郭常欽** 城增功廣 授滑縣訓導 未赴任卒 **劉尚賢**

**嶸** 廩貢生 孝廉 成就 **郭常欽** 城增功廣 授滑縣訓導 未赴任卒 **劉尚賢**

**嶸** 廩貢生 孝廉 成就 **郭常欽** 城增功廣 授滑縣訓導 未赴任卒 **劉尚賢**

**嶸** 廩貢生 孝廉 成就 **郭常欽** 城增功廣 授滑縣訓導 未赴任卒 **劉尚賢**

歲貢生積學篤行士林共  
張聖典 歲貢生住城內業  
尚履貞 同治庚午

文章推重一時多其門俊  
李梅實 元豐辛酉恩貢教  
踐終身成就多士子

學 官紳有要公尤資裁決  
李超然 恩貢拔貢華年食  
草士

多傳 盧體明 不歲貢生行敦孝友誨人  
王超然 擅長詩賦著有梧桐詩草士

顯然 生 高攀龍 身多所成就 李鵬翱 生 程峻嶺 生 魯宗邦 生 李

李欽錫 歲貢 朱昶熙 生 趙運至 均 澤生 在 人 歿 後 門 生 建 碑 銘 恩 教 王榮信 生 廩

義行 王諤 歲 飢 賑 捐 賑 捐 穀 千 石 巡 王謙 太 生 員 捐 錢 二 十 萬 助 餉 郭宗

哲 監 生 歲 飢 助 賑 捐 穀 三 百 陳進德 祠 生 輸 五 十 兩 輸 普 濟 堂 兩 輸 銀 八 十 石

吳均 賜 匾 獎 姜榮閣 候 獎 以 仁 風 可 尚 邑 王講 百 貢 生 歲 飢 救 貧 捐 銀

槐 映 三 王亮采 歲 歉 河 決 兩 次 捐 費 錢 穀 二 百 石 王國範 從 九 守 李 義 倉 穀 三 百

朱起翔 吳 生 置 義 地 十 畝 施 棺 掩 屍 助 鄭永裕 助 從 九 守 李 義 倉 穀 三 百

杜 焚 債 券 約 千 串 邑 候 婚 百 兩 施 黨 重 濟 楊木鐸 生 周 楊煥銘 倡 董

單 赴 省 訴 革 毛士緒 樂 善 程效先 國 學 生 蓄 僕 女 劉永成 遇 鸞 妻 者 出

太康縣志

卷十 人物傳下

事 其 李明遠 捐 橋 錢 劉警菴 監 助 賑 捐 劉天佑 拾 金 王隨棟 炎 夏 施 茶

張德基 困 憐 貧 恤 魏天一 粟 濟 貧 施 王崇和 好 施 慨 劉囤 貲 救 荒 宋榕

孟傳鐸 錢 修 寨 捐 符明綱 辦 寨 團 修 寨 張殿臣 勇 修 城 塚 李鳳翔 弟 重 兄 輕

產 財 王為儒 讓 弟 張望 救 舍 妻 韓永洛 監 生 捐 樹 李靈機 倡 公 益 提 王

鳳岐 捐 賞 李德麟 修 寨 匪 鄭慎修 訓 導 督 修 文 廟 郭雲龍 監 生 息 張

崑山 築 清 六 品 校 衛 許基慶 宅 借 充 公 用 私 石崇仁 而 好 生 富 孟廣進 拯 溺 船

張士中 積 泥 工 出 劉振川 券 讓 租 焚 劉永樂 施 累 世 棺 劉元純 施 谷 二 十

楊同文 錢 捐 施 藥 局 楊鳳山 捐 款 設 張鑑衡 公 監 生 急 尚傳禮 粟 州 判 出

代 工 賑 寇興科 貧 慨 助 宋文燦 補 生 捐 王芸泮 監 生 督 蔡荐如 監 生 放 濟

王甫太 監 生 散 谷 百 王錦魁 柳 河 人 輸 粟 李昆龍 監 生 捐 谷 二 趙

昌五 石 捐 谷 六 十 呂占鰲 馬明遠 祝雲從 郭中行 王維之 監 李

西 貢 歲 王靜臣 貢 監 王粹然 廩 生 何逢源 韓淑世 王雲閣 鄭應璧

王榮陞 王慶安 徐歧峰 梁碩彥 劉長興 程文升 僧昌道  
於光緒三年在十方院集資放賑孔縣令以恤災施惠匾獎

石雪堂 劉鳳翥 劉鳳儀  
廩生黃河決發災賑

賀同業 劉麟徵  
武生黃河決發災賑

劉仁 鄭天申  
生郎城舖捐賞

程鳳山 王彩文  
廩生每年冬三月施穀數十石光緒二十二年當地頃餘糶穀數十石散放飢民鄉黨以樂善不倦匾其門

民國十五年至三十一年

教澤 朱錫瑾 李秉均 王銘鈞 何鑫 朱湛銓 朱雲亭  
清廩生 清廩生 清廩生 清廩生 清廩生 清廩生

石錫慶 李方義 王銘鈞 何鑫 朱雲亭  
清廩生 清廩生 清廩生 清廩生 清廩生

義行 王家興 宋澄源 許安和  
清太學生見義勇為 河大畢業由銀行借款購

許兆芳 孫為都 王新殿 許安和  
公提倡 為中央政府以智勇廉勤匪無算 民毫利不取

程光表 王新殿 趙國楨 李  
甚多 善好施鄉里 持治安重修韓莊范莊清匪氣維

樹植 王舒亭 王永新 于化  
施藥 廩生排難解 疾不受贊謝 積穀散飢 清廩生熱

太康縣志

卷十 人物傳下

殉難 劉紹先 丁子坤 劉恒大 步文忠 朱永新  
在湖北陣亡

王義 柳廷環 王喜成 張國順 焦振邦 段武忠 趙鳴太 方玉

林 雷法良 劉勳 劉子成 馮得保 陳起順  
以上嘉慶三四年

玉和 姚書升 張愷 徐興玉 曹其元  
增生住村 常營住 賢集高 賢集高

李少采 李鳴巢 侯龍 孫煥 姚玉衡 李景陽 李更

姚春 萬榮來 吳九英 王本顯 孫鳴秋 孫昭榮 孫廷顯 吳

振元 吳京元 邢立德 吳占元 邢化臣 劉萬周 郭殿元 祝法

文 蘇鐵錘 高純 趙如鼎 楊求明及其子占魁占榜占元 楊永賢

姚穆年 彭懷柱 劉大喜 苑龍山 李大瀛  
後劉武 苑舉住 附生住

苑同檢 苑晴山 王可長 梁常 袁兆林  
莊住苑 苑寨西 高賢集住 村住馬

王應寶 魏本茂 李山 徐邦轉 苗盛林 王大法  
莊住武 苑寨西 高賢集住 村住馬

道生 劉文翰 劉文修 劉金鳳 丁學孟 李承曾  
莊住大 莊住李 均住明 山住張 義集三

李印章 李金魁 李繼忠 李世鎮 李新啓  
莊住大 莊住李 針住金 園住郭

蔣萬安 住蔣埠口

李宗淵 貢生焦莊

吳九鳳

許二照 練勇

郭登甲 武生 蔣明

遠 瞿原忠

吳學富 吳學舜

吳開端

宋玉柱 練勇

許三照 練勇大岡

李春雁 住馬河圖

劉長年 李孝純 住浮屠岡

黃應倉 監生

黃廣彩 黃廣修

黃廷臣 黃生福 李澤生

柳長貴 王崇元

王立方 方世祿 住老塚

姚起 姚越 姚馬 住會城寺

柳大年 程輔清 以上俱咸豐年間遇捻匪害

吳廷遴

張來同 李廷露 高長羽 住四柳村

李永祥 住丁集 孫相武 張超然

苗上林 張殿忠 李咸信 李咸賓

丁瑞林 李伍剛 張玉秋 俱住梅營

莊 張士舉 張連臣 俱住李莊

劉大士 楊金榜 童儒 王廷翰 王士仲 住王莊

莊 李相監 住馬河圖

全紀龍 程天仁 住鄧邱 姚器 住會城寺 苑匯川 王錫

璽 王錫圭 王燕 以上俱同治年間遇捻匪被害

陳玉鼎 王文煥 陳培心 趙際

英 王守安 朱閣雲 住朱莊以上俱宣統年間遇黃匪被害

伊道清 伊年 二名係民國十九年因兵

命 災 劉照菜 丁傳品 劉長榮 蘇明倫 蘇明聲 姚鶴章 張俊

# 太康縣志

## 卷十 人物傳下

四八

專 張廣煥 張龍龍 張就如 郝棟 楊鴻臚 高小校畢業 柳東嶺 隊長

楊東嶽 蘇得志 韓思儉 附生 申欽典 住朱寨 師懷讓 巡警畢業 王清眞

王清思 孫長海 關鴻業 劉孝武 章書琴 朱庭訓 以上俱民國以來遇匪被害

軒轅應賀 副官 李錫平 學兵 王克欽 團長 王漢章 團副 李春榮 營長 田殿

魁 團副 屈鴻伸 連長 以上俱民國以來充伍陣亡

民國十五年桿匪破城其時遇難者為朱升臣 劉萬齡 程耀簡 劉國

印 王獻瑞 王曹彬 王葆銘 庠生天性樂善好施城破被執遇害 王鴻駿 保官軍官學校畢業性剛

直有大志城破被執罵賊死於新蔡 程耀章 王金銘 隊勇 靳裴亭 城生 盧鼎新 警察所長

程愼思 葉金鼎 王初基 胡學忠 張占元 張全禮 師連鼎 武生

盧二小 高繼孟 張銘藻 羅福迎 柳祿祺 孟銓 楊勉行 游元

錡 王結實 孟坦 游建虞 王刺猊 劉兒 李豫森 李懷保 李

師福 柳國正 白茂林 傅子仁 劉學孟 王克讓 王克明 高保

楨 高保謙 高全福 丁子修 王昌 陳樹森 師中道 書安文

劉雲秀 楚新基 楊名失畢二小 郁立德 李長壽 黃東方 王炭

王錦銳 王錦漢 王錦連 王錦創 王永述 王明堂 王纘堂

王在信 郝占魁 高至剛 李清泰 邢廣文 孔吉祥 張應隆 張

舒佩 王照普 張家祐 杜占元 傅居中 司存仁 郭治元 張得

山 李均重 張法亮 朱明道 王在全 周容傑 王學義 王登科

任景堂 王泰然 師鈞銘 王心嶺 于建邦 王新田 和同功

石青蓮 劉青山 饒昌智 張振海 張舒潤乙種蠶校畢業 毛永和 陳思

道 杜桂嶺 蘇學季 王鈞生 姚興漢 馮火頭 宋廣海 楊華德

楊開恒 毛思忠 池金秀 張金峰 彭華齋 胡崇昌 王培真 吳

師夫 許英才 李同文 李敦厚 李獻忠 李建勛 李春生 劉玉

書 張來初 李樹榮 程維序 張守清 程免溫 程免德 張如意

吳清弼 郭維城 郭相公 周樂山 楊維新 許立義 陳瑞星

劉清一 王玉清 楊維鑫 張鳳山 張森祥 尹樹勳事孀母能孝城破破執遂遇害

### 太康縣志

#### 卷十 人物傳下

四九

王燦然字備之郡廩生對地方水利修路等公益多所興辦城陷被執病死

附錄朱撰卿闔城罹災記 民國十五年六月二十一日事

嗚呼生民奇禍之慘其降自天耶抑造由人耶何自民國十年後匪焰之熾幾若天之所助耶悍匪之害根於豫西而肆毒於豫東往歲曾破扶溝淮項失事者接踵也近則十四年城西南遜母口破城西常營破十五年正月常營及西南各寨堡又不一疏非無燃眉之警也而坐致有六月二十一日之事又抑何也時余在信陽見郵報驚心裂肝無淚可揮後旋里聞父老為余道城破事頗詳其時縣長為王清霖商邱人曾充營長者也六月自初四日大雨十五六七日連日雨平地已作澤國而前駐縣河南第三旅團長王鈺棻已調防去賊得耗即由許昌歷□扶晝夜行急撲太二十日午間警方議急調四鄉民團入衛謀夫孔多紛囂□而匪已薄城下時夜初分也西關原駐歸德騎兵一連先遇匪方激戰王縣長遽調入城留槍八支騎兵八名西關多□保全民得逃避城內惟中區隊長劉□澤所帶一隊人尚可用又為縣長支配散而不聚城東門巡警守之雞初唱悍賊數人攻破北門賊已入適隊長劉潤澤率隊至力禦擁出之北門復閉而城有內奸東門失守賊魚貫入矣旋□域皆賊放火釋獄王縣長巡城至南門曰吾負滿城百姓矣帶槍數支南赴老塚集去隊長劉□澤血戰力竭被執不屈死同死兵士二人城既破匪先守四門城內居民無得脫者遂挨門綁票按戶收貨又兼連日大雨如注一停十日省督以豫南軍事方緊不暇及

歸德鎮發兵一旅次朱口距城四十里謂阻雨不克進四鄉民團集合老塚集知強弱懸殊不敢入城故旬日之內任匪所爲富被拷掠貧受蹂躪巨紳繫繫嬰兒擲斃慘不忍言臨去則牽繫累累泥塗數尺賊鞭箠其後稍緩即被槍斃西至常營集復停數日勒俟城中贖票又反攻前河寨寨中人心固結布置得宜死鬥數日卒獲保全其他黃集八里廟寨皆爲匪破焚殺之酷甚於城中復擄人掠貨飽颺而去噫太邑奇慘之禍自闖寇之後三百年又一遇豈數之適然耶抑先事無防臨事無策之至斯極耶亦以人民無固守志而自殘自害耶父老又云柳錦堂充西醫院院長匪多就療治一時被執人賴其保護脫難者甚多有盧二小者代其主守城東門奮力禦賊斃命城門下復有張舒潤所畜犬一隻舒潤身爲賊斃犬臥守其屍他禽獸不得捐之殆近義犬然余心戚不堪卒聽矣夫太邑之破於闖寇也舊志載耿禮部繡彝□城殉難記至今讀之猶有生氣而此次巨禍一邑民衆除引首受繫竭力辦款外無他策卽投井投水以罵賊死者亦不數屈指天之降殃於吾太者何如斯其酷也故卽所聞男女之不屈者另爲傳登忠節志中而因城破喪命者或具事實或知姓名均不敢遺焉則此記仿諸□志卽爲闖城罹災記可也然前車之覆後事之師余無淚揮旣往矣願有官紳之責者庶閱之以慎將來云

附錄李召棠常營四次匪災記

地方之大害有二曰兵曰匪票匪之禍層見疊出而受害最鉅者則太境內以常營爲尤甚自直奉戰爭票匪蜂起

## 太康縣志

### 卷十 人物傳下

五

常營係邑西巨鎮四萬富戶避亂寄居者甚多民國十一年三月突有票匪老洋人掩至擇肥而噬綁票勒贖十四年十一月念三日又有大桿匪黑夜破寨益肆焚掠高樓巨廈悉付一炬老幼男婦架走二百餘人衣食財物輦載而去十五年元宵前票尙多未贖匪又繼至圍攻丁村口不能復盤踞常營丁壯逃匿遺童稚婦女迫令執□秣馬爲之服役迨駐太王團長來勦始夜遁去寨已蹂躪不堪矣是年六月大股匪既破縣城帶票西歸於七月朔又據常營爲窩巢旁掠黃集八里廟各寨均受害最慘傷人亦多惟前河寨善用鳥槍斃匪數名匪怒圍攻數次俱不能入時該匪以常營作老巢擄掠六日始飽颺迄今市面蕭條金融凝滯頽垣敗屋尙未修葺皆此四次匪災階之厲也爰濡筆以記其事

以上清至民國

民國二十七年太城淪陷先後暨平匪遇難者爲郭亦華有傳 劉子彬有傳 楊

仿州 柳福基 張孟德 王鴻梅 劉應臣 張占鰲 程耀洛 蘇鏡

齋有傳 楊培玉 劉心端 張廣明 龔澤震 穆清漣 李春和有傳 安桂

嶺 姜同德 李成泰 王盛源 路心正 軒明選 常樹清 王海樓

王文科 王相臣 韓文襄 張錦玫 馮全性 安桂點 王朝忠 王

獻端 王廣學傳 趙桂枝 范品貴 張榮朝 高樹茂 程振黃 林清

淵傳 鄭明禮 朱 柱 張連生 李清海 劉鴻成 嚴忠魁 王興路

劉應膏 劉廷膏 石萬春 劉玉柱 吳心朗 張永祥 王國璽 楊

治軍 王業現 葛家治 劉貫三 宣尙武 張盛林 張心正 劉長

敬 韓清梅 張 成 王洽勉 周夔傑 馮新楷 朱燦亭 胡增新

田棟存明 李志義張成以上俱係淪陷時  
遇難下俱係平匪亡

郭亦華字燦然相德公次子縣長成章公之弟幼聰明過人初入開封聖安得烈中學畢業後又北平燕京大學畢業屢任各中學教授性好學手不釋卷讀書達萬餘種經史詞說無不貫通曾譯英文音韻學西洋劇史待梓民國念七年日軍來太維持會成立公推爲英文通譯兼教育局長未及供職七月日軍調防八月四日遇害

劉子彬諱學文以字行天性剛直孝友克敦世居西關本鎮見義勇爲歷充崑毓鄉保長第一區團總衆望交孚民國念七年六月日軍來太駐防十三日維

## 太康縣志

卷十 人物傳下

五一

持會成立公推爲救濟院長七月日軍調防八月四日遇害

林清淵字子清智謀深沉學識優良聰明天授淮陽第二師範畢業民國初年歷充縣立第一小學校長教育局職員九區查學委員二十七年六月日軍到太成立維持會公推爲秘書長七月日調移八月四日遇害

蘇 鑑字鏡齋豫西臨汝縣人精明強幹忠誠謙和自民國五年來太經營藥棧生意商業發達二十七年六月日軍駐防太康成立維持會公推爲財務股長未及任事日軍調防八月四日殞命

李春和字景明杏岡地方龔樓人天性明敏殷勤耐勞素營花布商業尤精醫術善針法活人甚多二十七年六月日軍來太成立維持會公舉交際股長七月日軍調防八月四日遇害

王廣學字海亭世居西關樂城鄉張莊高小畢業前充西關聯保主任二十七年六月日軍入城成立維持會舉任西關社長七月調防八月四日遇害

## 太康縣事變後記略

自蘆溝橋事變越一年日軍始進駐魯豫境界攻陷台兒莊之後徐州之役最爲急烈二十七年四月日軍佔領歸德柘太等縣更形緊張人民惶恐一夕數驚有朝不保夕之慮陰歷五月初九日日軍由柘城進駐太康所有縣政府職員及政警隊各區隊公安局等早已蕩捲而逃人民扶老携幼紛紛出城市面紊亂縣域爲之一空成章因子警弟避居於福音堂內日軍進城越五六日無人維持幾有全城莫保之勢後由李景明通知各商民組織治安維持會城內紳商公推成章爲維持會長一再堅辭後經日軍中川隊田中隊長親詣福音堂強召出首辭不獲已勉爲就職遂假南門內博愛學校成立太康縣治安維持會並由日軍發給開辦費五十元麵粉五十袋供作開辦之用釐定組織系統訂立辦事細則設正會長一人副會長二人股長八人股員若干人分擔職務各有專責均爲義務職不支薪金城外各地方仍按前分爲九區派委區長維持地方治安日軍所需給養概歸自備惟馬草燒柴及蔬菜等徵購地方公買公賣亦皆隨時發價四鄉輸送給養者絡繹不絕東至馬頭朱口南至老塚五里口西至常營西北至崔橋北至高賢無不樂爲輸送治安尙稱平穩城內各商民住戶凡逃避老概由維持會將其門加封保護皆無損失難民回城無不額首稱頌六月十六日日軍東移撤太康防務成章即於事先通知調集各區團隊維護縣城六月十七日日軍全部撤退南區張向離率張華亭張傑臣部首先到城即將維持會侵佔把持一切秩序紊亂並將維持會存儲之木柴萬餘斤谷草萬五千斤食鹽五十袋大米三十袋小麥六百斤麵粉四十袋猪九十三口鷄五百三十隻馬料七萬餘斤肆掠一空維持會職員亦自行解散最後黨員尹楷之率政警隊民團三百人入城在縣黨部召集各團隊會議

## 太康縣志

### 卷十 人物傳下

#### 五一

成立善後委員會結果以尹楷之爲委員長圭祥甫王景唐沈佑文柳延齡爲委員又通信淮陽專員公署報克復縣城旋由王慈博來太視查民衆亦相繼回城意在上下聯合有暫獲治安之望無何竟將維持會會員李景明蘇鏡齋林清淵劉子彬劉福基等逮捕囚禁成章避居福音堂者數日後改裝飾鄉間診病者乘小車以被覆面命价提藥由東門出城始□脫險在鄉稍停即赴漢口轉道至西安四弟豁然處存身則太康之音耗即告隔絕後聞善後委員會公舉尹楷之爲太康縣長旋由專員公署郝委員送來縣印一顆即任命尹楷之爲縣長矣六月二十六日西華游擊隊胡筱初率隊來□太康委放縣長尹堅意拒絕不□入城該部乃繞道束關開駐七里岡一帶騷擾地方民衆備受其苦尹受命之後即改委沈右文爲第一科長李景夏爲教育局長柳延齡爲第一區長其餘各黨員均有優差未幾□員公署又委任張一農接太康縣長鄆陵人尹楷之交卸仍任爲抗敵自衛團團長參與縣政六月二十八日游擊葛子厚部開駐高朗一帶並担任縣城防務七月十日在城隍廟召開抗敵救國宣傳會成章之二弟亦華前往參加因曾任維持會英文通譯被尹誘拿坐以漢奸罪名亦被囚禁又七月十一日日軍二次進駐太康城防爲葛子厚部早已退出張一農尹楷之已於事先率部出城臨行時將扣押之維持會職員並其他人犯等十一名盡行槍殺於刑事所院內惜哉日軍進城分駐各街人民畏懼不似從前高橋隊長復召集地方紳董及前維持會人員成立維持會無人出首市面紊亂經十數日翟如璧回城在東關成立招待處僅三五人後改爲維持會仍按舊組織以翟如璧爲會長王模廷爲副會長復由東關移至城內舊建設局增添各股人員但具有品格與有聲望家貲者皆畏懼不敢參加份子複雜秩序紊亂而翟如璧會長賦性忠厚萎靡不振對於監督有愧職責職員中間有不良份子從中漁利弊

端叢生民衆輸送給養日軍雖經發價而一般鄉民分毫亦難得到物資股財政股。他弊端爲多地方治安日益紊亂如城北之杆匪有大老李二老李薄虎王化然等部假借游擊隊名義擾害地方黨政縣長張一農盤踞縣西大新集水內地方人民外受土匪游擊之蹂躪內受維持會之摧殘呼天號地幾有不可支持之狀九月高田隊長應民衆之要求當接太康防務時密派幹价潛赴西安函召成章回太被任爲維持會副會長並經各界公舉爲反共救國委員會會長擴大反共宣傳時鄉間游匪共產軍異常充斥雖經日軍迭次討伐無如兵來匪往終難肅清且不時來城廂附近施以擾亂廿七年十二月高田隊長暨倉田宣撫班長鑒於維持會會址狹小不敷辦公應用可改作新民小學校移維持會於縣公署而縣署前後房屋計百餘間均屬破爛不堪樑棟倒塌牆壁傾圮不堪觸目由成章經營主持擇其當用者修葺之不越月則前之傾圮及缺牆斷壁者皆煥然一新時倉田宣撫班班長指導縣政視翟會長如壁不克勝任乃與皇軍部隊長商洽改組維持會於三月一日改任成章爲會長兼總務局長總理一切行政財政事宜改任翟如璧爲建設局長王模廷爲公安局長王國法爲財務局長一切政治均已步入正軌人民負擔亦漸次減輕職員每月亦方能少許支給薪俸鄉間之不規則團隊亦皆次第裁撤治安雖未完全恢復而人民有感慶昇平之望至六月奧井隊長移防米山大隊長接任肅規曹隨各機關一仍舊貫對於討伐游匪尤爲認真而關於文化事業亦竭力提倡如訓練青年復興宗教擴充教育設立學校及組社教機關如識字班問事處閱報室民衆問事處代筆處等並成立第一區區公所二十八年六月改新民小學爲第一小學校由宣撫班指導學生約一百二十名仍以舊建設局爲校址辦理成績頗佳八月米山大隊長移防石井大隊長接任十月二十二日太康縣政籌備處成立省

## 太康縣志

### 卷十 人物傳下

#### 五二

公署任命成章爲行政主任特務機關派日下部五郎爲縣顧問內部組織分總務財務建教警務四組組設組長組下各設事務員書記等自三月改組維持會至十月籌備處成立其間凡八越月一切庶政雖未完全步入正軌實較前大有進步遂開始整頓田賦惟本縣册札早被黨軍帶去無法着手乃派謝樹堦爲田賦徵收處主任從事整理搜集舊有册籍並復興里書名義調集二十四年以前册作爲根據不數月間各里征册收集到縣者約有十分之八九遂於二十八年秋開始啓征每畝中地派洋二角以供縣署經常費之開支又於九月成立縣警備隊一中隊協助皇軍討伐游匪設第八區於龍曲復成立第九區於楊廟於大成寨委派區長整理區政復以黨軍決河縣西五十里之常營大新集半壁均陷水內泛濫橫流東無隄防漲落無常危險堪虞成章乃擬具築堤計劃上陳北京臨時政府並分呈省道公署冀其採納並與駐軍司令親詣河岸一再勘驗規劃堤線由南岳崗起經楊橋遜母口小楊莊等處至大橋劉入淮陽界復往省方請求補助款項定期開工蒙省署建設廳允撥築堤款十六萬元十一月水內災民逃難者絡繹不絕成章倡導紳民捐款放賑購米一萬餘斤放發難民全活無算二十九年二月由省方撥發振款二千元飭設粥廠乃假文廟設立放飯五日災民受惠實深二十九年二月領到堤款一萬元乃開始召工興築當以鄉間各教會盛行如城東之黃學城北之紅學大玄門小離門等號招力最大遂委會領袖爲築堤分監孰知朱占化之黃學會份子複雜督工不力兼黨軍派隊擾亂妨害堤工進行雖一再督催遲延至麥將成熟而工程毫無起色旋因麥熟停工二十九年五月擴充縣警備隊爲兩中隊由成章兼任大隊長華紹堂副之並委任馬德成高國步爲中隊長兵士增至二百五十名槍二百五十支以備剿匪之用二十九年六月初二日黃水暴漲三里橋以北。河決口水繞城

關一帶勢極危險成章乃率領縣署職員在炎暑之下涉水親赴決口處監工督修無如水勢湧猛運土運料極感困難連築數日未能竣事延至七月五日以上游水勢洪大又復暴漲泛濫橫流越城東溢環城水深數尺南至王隆集東至劉寨朱口北至莊路店西與黃河接連一片汪洋可稱澤國誠爲太康數千年未見之巨災亦太康歷來未有之浩劫也出入城關非船莫涉一切政治均行停頓調查各鄉村房屋之倒塌什物之漂零不可勝計一般民衆皆製造船隻於四關成立船業公會復經皇軍矢野隊長成立民船統制規定渡口及舟行路綫各關設運行系民船系警備系管理民船開駛事宜二十年陰六月黃水暴發水內災黎遷徙流離觸目傷心秋禾淹沒殆盡人民生機斷絕嗷嗷遍野無非待哺之鴻跣跣水上盡是富庶之家成章乃備述災况向當局呼籲請振並懇派委視察蒙省方撥發急振洋壹萬元後又繼發振款二萬伍千元兩次派員來縣監放調查受災狀況造具災民受益清冊計每災民一口每次放給洋壹元災民實受其惠全活甚衆同時成立太康振務委員會專辦振災事宜二十九年十月架設東關木橋以利行人並派徵收處人員及縣警備隊赴朱口徵收田賦十一月移糧櫃於大成寨復派員在龍曲設櫃徵收三十年二月水勢退落成章復召各區長及民衆倡儀修堤一再勸驗擘畫經營規定舊黃河堤爲堤線上自劉河下達馬廠長約八十里分工興築定三月開工派委自衛團長孫振先監督劉河至北關工程第九區長王新殿監督北關至楊橋工程二三兩區民衆担任由楊橋至馬廠工程復派縣署職員輪流督工縣警備隊分派各鄉催工時經八月八十里之長堤第一次民衆自動修築已告竣工救出堤外村莊無算免除永久水患本年秋季禾亦稍獲收穫三十年三月十一日奉令成立縣公署省署任命成章爲太康縣知事同月建築東關木橋修墊北關至楊廟官道四月架修北關

## 太康縣志

### 卷十 人物傳下

#### 五三

木橋墊北關警備道路三十年四月成立第二小學校於龍曲復成第三小學校於馬頭各有學生一百二十名委任教職員成績俱優三十一年春領發黃災急賑兩萬元點名驗發無遺無濫二月開始修築國防堤河南省新黃河築堤委員會移駐太康本縣担任第五六分工區工程浩大由各區徵工集料監督修築計全縣出一萬二千人自二月開始預定五月十日完成縣署職員分派沿堤監督縣署警備隊逐日催工各區徵料如期報竣誠華北之國防堤亦太康民衆之救星也三十一年六月成立縣立醫院每□就診者百餘名八月成立縣立中學以救失學青年以上皆近數年來之故實期間雖短事極複雜皆成章所親身歎歷無絲毫之粉飾者茲特和盤托出舉以告人委心任運生平本色流芳遺臭在所不計也民國壬午成章識於太康縣署

